

慕夏堂文集

全

120
2463
^20



4
2396
20
2463
卷

慕夏堂文集序



蓋自一元肇判以來夏夷之別截若霄壤人皆知貴
夏而賤夷攘夷而尊夏豈天之生物粹於夏而駁於
夷耶特地限南北氣有清濁而然也厥或氣機旋斡
之際羶裘卉服之中賦得清粹而傑然為英豪者有
之如休屠之金日磾是已彼日磾者自北胡而歸服
於西京忠盡誠亮為漢良臣與博陸侯并蓋千古一
人耳噫若日本義士金忠善其殆庶幾乎日磾之流
歟公在日本姓沙名也可金忠善即向化後 本朝
所賜姓錫名者也公世於漆齒跣足之鄉曾不見禮

義名教之為何物而已自童幼時慷慨有慕夏之志
遂以自號之恒曰生而為男子則幸也不幸而不出
於中夏生乎絕海蠻蜒之邦不免為左衽而死則豈
不為宇宙間英雄之恨哉逮夫秀吉之興兵渡海也
公以智勇絕倫隸清正麾下時年二十二已心非其
師出無名罪犯逆天而謂此機可乘可介鱗而衣裳
也不辭為先鋒及下陸雖蛇豕搶攘之中見禮俗文
物之盛欣欣焉曰是亦夏也有變夷歸化之心投書
納款於左右節度使金應瑞朴晉等反旗倒戈斬馘
甚多遂與南征諸將轉戰于慶蔚等地屢立奇勲身

鏡火砲即彼之長技我國之最初摧敗坐於此也公
乃教以鏡砲打造之法觀於當時諸陣之往復書可
徵也自是而彼之長技我亦有之畢竟收復之功公
實多矣旣蒙 賜姓錫爵之恩每切竭忠報 國之
志邊圉有警則自請十年之防戍霍虜東搶則又以
衰齡而赴陣奮身大呼戰血模糊而南漢下城之議
已成矣公擲劍大哭曰東國之於 皇明被再造罔
極之恩東土臣民寧死於北虜鋒刃之下奈何和乎
是又見春秋之大義也豈直為 本朝義士耶亦可
謂崇禎遺民也已於乎公之卓行奇節若是炳然而

當時勦亂諸賢記載文蹟并沒公事實豈公讓功僚
幕不以自伐而然歟抑來自敵陣待以羈旅而然歟
是可慨惜又觀公遺卷書疏紀訓等文字忠信悲壯
辭達理順不讓於我國儒學中人重為之嗟嘆不已
又余於此尤有所曠感者卷中有答我祖判書公書
槩見一時先輩相與之意也今於公後孫漢正之乞
言也不辭而為之叙如此歲壬寅孟陽既望原任兵
部左侍郎晉山姜世綸序

惟皇上帝降衷于下民不以夷夏而有所豐嗇是以
陳良楚產也而悅周公仲尼之道北學中國季札吳

人也而慕堯舜三王之風請觀周樂如其不然陳良
終於楚而不能北學矣季札終於吳而不能觀周矣
此孟子所謂豪傑之士不待文猶興而吾以所聞所
見攷之信哉斯言也故慕夏堂金公日本之人也日
本之為國在自海中最近地其言侏儻其俗羯莢而
禹教之所未訖軒畫之所未及者也然而自公之甫
及鬢齡慨然慕中夏文物之彬彬陋鑽髮習俗之秦
秦及其越海之日已有倒戈之志誓師登舟魚龍護
送諭衆下陸天地開霽入我國五十年間前後偉功
盛蹟既有諸公之節節褒揚則不必更有贅陳而既

以慕夏扁其堂則以中夏之人不可無一言吾請槩
言其大處用夏變夷無異於今日禪尊周大義無愧
於仲連子防胡丕烈不下於李飛將而勇退丘園道
遙水竹則宛若羊叔子之風流晚擇仁里嚴立條約
則依如呂藍田之鄉規至若溯南風而解帶噓唏其
孝何如也望 北辰而沒身隱憂其忠亦何如也嗚
呼休哉以公之如此志氣韜畧如此處身處家如此
盡忠盡孝生不能履盡所蘊厚食其報而數祿荒祠
僅保春秋香火在公則雖無憾而千載之下志士之
淚其必為公而不盡沾襟矣崇禎四壬寅陽復前十

日通訓大夫前行弘文館副校理知製

教兼 經

筵侍讀官春秋館記注官西原鄭蓋序

不佞嘗讀尊周錄至林公慶業越海投明期欲雪耻
於北虜雖瀕死而不悔李公士龍雖為清人之所逼
而去鈔發礮不傷大明一人浚竊欽其志而壯其勇
未嘗不擊節嘆尚矣日金君漢正甫以其六世祖慕
夏堂遺稿來示余以弁卷曰龍蛇之亂吾祖渡海歸
明積勞効忠而家乘逸於灰燼辱孫未逮耳目無能
擴實而聞揚幸而遺蹟復出於金將軍應瑞家古篋
當時事實畧得記載裒為一帛將以壽其傳焉余乃

薰盥而敬聞公本日本人也生於漆齒之鄉長於鳩
舌之邦而慕中夏之文物嚮大明之德化歸義於對
陣之先倒戈於鏖兵之初其事與林將軍李騎士恰
恰相契而尤有所難焉彼二公則自是吾東方禮義
之人偏蒙

神皇帝再造之恩忠肝義膽固有所不容已者而顧
公之能自拔於四海之外六經之表變夷而為夏者
又豈不難乎哉然而林李二公固已顯赫於尊周之
筆而獨公之見漏於是錄抑何哉一顯一幽不能無
秉筆家踈畧之歎矣觀其曉民之檄講和之書 錫

姓名謝疏 賜牌田辭章舉皆赤心中流出而忠信
而質直悲壯而激烈殆若素有學問者然且其制鏡
練兵斬將搴旗之勲宜居其時諸將之前列而特以
身居偏裨有功而不敢居雖蒙 褒賞而猶自斂然
而謙退實有古良將之風亂定後歸卧友鹿山中其
所以約戒鄉井訓厲子孫者彷彿呂蓋田顏氏家規
模十載荒塞枕戈防秋亦似金城之屯田伊吾之鳴
劍逆适之招誘則公能斬使而禦敵豪酋之逸去則
又能手刃於盃酒之間一何其忠且勇哉及至胡馬
渡江盟成城下則投劍痛哭隱居而自靖又與遼東

帽一轍是豈非天分之本美不繫於世類有如淤泥之蓮南山之竹者耶噫元之許文正劉靜修其道學非不純正矣其見識非不高明矣顧乃染跡於左袵之朝甘心於薙髮之世而其於春秋尊攘之大義別無所講明者愚於是常咄咄嘆惜而若使公當其世而處其地則又豈無可處之義耶即今神州陸沉冠履倒置志士風泉之感百年如一日而無能傾東海之波以洗腥膻之域又無能抗一常於南溟掇得永曆後消息今於公慕夏之集追想公慕夏之心而尤有所激慨者焉余亦崇禎之遺民而隱於海者也乃

竊附名於遺篇以寓欽慕之忱云爾崇禎後四壬寅海隱姜必孝謹書

慕夏堂文集目錄

卷之一

疏

謝嘉善疏

賜姓名謝

恩疏

還賜牌疏

仍防疏

謝正憲疏

狀

軍令狀

書

曉諭書

講和書

慕夏堂文集目錄

上節度使書

答閔評事有慶書

上副使漢陰李相國書

上全羅體察使松江鄭相公書

謝京畿道觀察使柳公根書

謝黃海道觀察使柳公永慶書

答慶州府尹朴公毅長書

答江原道觀察使姜公紳書

答忠州府使尹公承言書

答全羅道觀察使李公廷履書

答海州牧使李公恭亨書

答清安縣監全公有亨書

答忠清御文李公時發書

答防禦使李公贊書

謝都元帥權相公慄書

答忠清道觀察使尹公承勳書

答禁府都事曹公好益書

答京畿右防禦使吳公應鼎書

答京畿左防禦使邊公良後書

答蔚山郡守金公太虛書

慕夏堂集目錄
卷之二
答本道觀察使金公晬書

答高公吉伯書

上都元帥金相公命元書

答招諭使金公誠一書

答統制使李公舜臣書

答紅衣將軍郭公再祐書

答金將軍德齡書

答日本副使金公應瑞書

記

慕夏堂記

雜著

鹿村誌

家訓

鄉里約條

卷之二

年譜

卷之三

附錄

慕夏堂文集目錄終

慕夏堂文集卷之一

謝嘉善疏

伏以臣本海外蠻人羈旅賤蹤欽仰乎本國堯舜之風願借乎本國聖人之土寄子孫於禮義之邦留姓名於文物之鄉悠悠此願弼于胸中今適被選於清正之先驅渡海於四月十三日而越海即日始見東土則衣冠文物果如所聞故慕夏之意愈篤於心中歸義之志深切於所見遂以所領兵三千歸附于慶尚兵使臣朴晉以至今日而曩在南垂再戰再捷非臣之功也此莫非賴聖上神威之功而彤庭試

藝息數脩至陞資二階榮寵靡極豈以外國之賤俘
有此崇資華班之赫赫功名高位之彬彬耶揆以私
分默揣 天恩榮則幸矣感則深矣徒增墮越不覺
淖零伏念臣素乏才勇又無智畧而殲滅醜虜似無
期日則實由於臣之不忠於國家也言念臣罪萬死
猶輕而恭埃誅戮猶恨死所之不得矣 聖恩弘大
不惟不誅假之以 恩寵粹富貴不祥之言古有是
語則安知其不在於臣身而苟添是資則天必厭之
神必猜之臣焉敢當也臣焉敢當也且忠臣不事二
君則臣亦不肯名節之臣也臣常愧忸耿耿于心在

臣既無忠節之可褒又無功業之可尚則 聖主何
取焉而寵用之若是耶臣於私分誠惶誠恐不知所
為然而 聖德廣運不以臣賤俘而棄之不以臣有
罪而斥之臣雖島夷亦一人也豈不知報 聖恩之
萬一也哉顧念臣尚保首領於東土者幸已極矣伏
乞 聖明察臣愚衷矜臣微誠亟收 恩資以肅朝
綱以安私分之地臣無任

賜姓名謝 息䟽

伏以臣島夷賤俘羈旅冷跡待罪嶺陣竭盡心力惟
患破賊之遲延恭埃誅戮之及身 聖恩弘大不惟

不誅 賜姓錫名之息渥遽及於萬死猶輕之身此何 息數此何息數也臣本鳩舌之人素抱慷慨之志耳聞東土之衣冠文物禮樂刑政有唐虞三代之風云故息見東國之民物晝宵憧憧如狂如癡之際惟彼清正選為先鋒心中甚非清正之有意射天無名與師然而強為先驅及至本國則文物之彬彬禮義之煌煌果是中華制度也一自越海之日即有講和之意者欲以此身託于禮義之邦願借一厘而為氓於 聖人之國也本非宦達釣名之地也又使子孫寄在於 聖人之國將使為禮義邦之人也又無

使子孫欲為顯揚於朝著者也然而既歸之後竭盡心力討賊效忠在臣道理所當然故一戰嶺陣而勝再戰嶺陣而捷此非臣智勇之過人也實賴 聖上體天之德惟我 聖上歸功於賤臣濫賞於賤臣美姓美名以加賤身表以揚之顯以寵之此實千古所未有所未聞之 息也昔秦穆公尊寵由余而未聞有賜姓名之道漢武帝愛厚日磳而豈有如臣之賜姓名耶然則臣之蒙 息於聖上者前史之所未有也臣何以得報我 聖恩之罔極耶臣無任

還 賜牌疏

伏以國之所以有臣者將以需用於亂世也臣之所
以事君者亦以共濟乎板蕩也若其昇平之世善治
之時則雖有百僚之蹺蹺而只是等閒之人也苟有
當亂之世急遽之日則為國盡力効死竭忠者臣子
之職也惟彼臣子之為國盡力者非希功也乃臣子
之當然也効死竭忠者非望賞也乃臣子之職分也
以為國盡力為之要功以効死竭忠有意望賞則此
非人臣之道也臣今於牙賊捕斬之事非有意於要
功也非有意於望賞也臣本島夷之人猥添臣列濫
被賜姓錫名之恩則實千古罕有之榮寵也骨雖

糜肉雖粉而此心竭忠終無有日雖欲為國身死而
亦無死地故尚保殘喘以至今日惟冀子孫之寄托
於禮義之邦也豈意賞田賜牌遽及於無似無功
之臣此何恩數也此何恩數也設使臣身有功於
斬捕牙賊此乃臣子為國討亂之節也固無可賞之
賜也而況且牙賊之捕斬以我聖上神靈之威
而假手於臣也若使臣非假手而獻其馘為臣之道
討逆受功義有所不可而理有所不合於事君也臣
寧為販寶之翁不忍以牙賊之頭賣之於國家而受
直也且牙賊自是國逆也參以國典國逆之庄籍于

公家則今此賞 賜之田乃是牙賊之庄也請没于
守禦而為屯田俾補軍門之用則臣心晏然於垂死
之前臣目可瞑於九原之下也伏願 聖明察臣微
誠俾遂賤心以安私分之地臣無任

仍防疏

伏以臣竊以謂自古有國者莫不有敵國之憂而惟
在防禦之得其道故敵國不敢肆釁而國以之釋憂
矣昔齊威王之時檀子守南城則楚人不敢為寇而
泗上十二諸侯皆來朝漢武帝時李廣為右北平守
則匈奴謂之漢之飛將不敢近漢塞由此觀之防禦

之得其道者為如何哉方今北虜之為害於我國者
其來久矣而尚未得其道故使我 聖上每劫乙夜
之憂則為東方臣子者孰不欲捐軀赴難以死於國
哉然而臣竊料北虜之勢緩則肆凶急則逃走矣講
其防禦之策則一男子一長劍而已而前後守防者
非不男子也非無長劍也終未得其守防之道者是
不過乍往乍來無許多年守防之人故戒飭踈於前
後防禦忽於嚴截者以其人數數往來而無久守長
計之致也故惟彼醜凶乘釁作孽或窺或撓而使我
邊憂殆無寧日誠可寒心也臣歷顧朝廷鴻武之立

可防此邊之憂者非無其人而寔由於不能長久防
禦之故也今此臣之所願者不計年數限止警之解
弛仍爲防禦則此憂庶可少弛也今臣之自願仍防
者極涉狂僭而臣以外國賤俘受厚 恩於兩朝欲
報 聖德終無餘日矣臣請以一身而作長城一劔
而當百萬守防此邊遠逐醜虜奠我邦家以報 聖
恩之萬一則死無恨於九原矣伏乞 聖明察臣愚
衷許以仍防以釋國憂之地臣無任

謝正憲疏

伏以臣島夷賤俘外國羈旅也慕仰乎中夏之禮義

授托于 聖人之片壤苟全性命無意官達遺布子
孫於東土俾守禮教於仁義之邦者臣之所希望於
中心而區區至願者也而曩於年前此憂數警故臣
以血氣之勇爲國之心不忍坐視寸載邊境日夜枕
戈備嘗艱苦僅得晏如此誠非賤臣身勇之出倫也
又非賤臣智謀之過人也實賴我 聖主德教之感
而惟我 聖明尊寵賤俘臣何有一分盡力於其間
哉然而 寶墨煌煌於紙上獎以盡心崇資赫赫於
鬢邊金以頂之而况 天厨之美醞珍羞恩榮靡極
豈意不肖賤臣獲此恩數無乃有上天之厭而果不

無鬼神之猜乎嗚呼欲報之德昊天罔極欲 恩之
謝骨肉俱碎矣悠悠此世臣何敢報得我 聖上之
恩耶伏乞 聖明亟收賤臣正憲之牒以安私分之
地臣無任

軍令狀

小將以外國之人來托本國者只是金應瑞而已則
應瑞與小將為主客之間也應瑞今犯大罪至於軍
律之將施小將豈敢坐視其死耶伏願小將斬獲倭
將之頭以贖應瑞之命而小將若違與提督獻請之
約則請斬小將之頭以贖金應瑞之罪如是軍令狀

事

曉諭書

壬辰四月
十五日

咨爾東土大小民人咸聽我曉諭之後安堵如古各
業其職勿動勿撓毋至流散今我雖曰異國之人也
雖曰先鋒之將也自在本國已有心誓無意攻伐於
汝國無意侵暴於汝等也素聞東土之禮義久仰東
土之文物願一見之徒劫竭忠之心常常慕之每欲
薰陶於 聖德憧憧此心未嘗頃刻而少弛也幸被
清正之選我為先鋒仗鉞率師以至於此然而我不
忍侵暴禮義之邦也殘害中夏之民矣若害一民則

非但有負於平生之素志也抑亦獲罪於上天也吾豈忍爲哉吾豈忍爲哉汝等其毋曰以我爲他國人之來侵老者安之稚者保之耕者耕市者市視我以同國之人而毋敢隱避逃匿毋敢廢業棄職安心耕織安心讀書上以事君親下以保妻孥而如有一軍橫侵濫雜之弊則即即來告以施軍律如前安堵毋至騷擾以副此區區之意望焉

講和書

壬辰四月二十日

惟壬辰四月日日本國右先鋒將沙也可謹沐浴頓首裁書于朝鮮國節度使閣下伏以僕島夷鄙人海

區庸夫也生纒髻鬣已有慷慨厭侏俚之殊俗惡左衽之陋風矣及至成童無所知識而但聞海東有國名曰朝鮮朝鮮之爲國一遵中夏之制度衣冠文物共三代而無異禮樂刑政效唐虞而淳龐彞倫得其叙九法得其正三綱五常八政九經述聖經而無愧仁義禮智孝悌忠信遵賢傳而克明僕一聞此說之後慷慨之懷益切于中心口自語曰人生而爲丈夫是則幸也而不幸不出於中夏文物之地生此偏邦夷服之中未免爲左衽而死則豈非宇宙間英雄之眼耶慷慨不已或至涕泣臨食而忘食當枕而忘寢

者久矣今於清正之無名與師也以僕爲勇力過人
膽氣超倫特爲先鋒將僕嘗聞東土之爲禮義之邦
又心非清正之有意射天無名與師雖死於清正之
手下而不欲爲先鋒然而一心素願旣在於一出朝
鮮之地故強爲先驅領兵三千及至本國始見其民
物則雖兵火倥傯之中衣冠文物果如平生所聞信
乎三代禮儀盡在此矣故用夏變夷之意藹然乎中
遷于喬木之心油然而生無意戰伐去金發矢不忍
害仁義之邦不忍殘三代之民噫嘻痛矣悠悠此世
我安適歸矣旣矯清正之指揮則無以見清正之顏

矣又見東土之文物則竊欲自附於大人僕之進退
實爲狼狽矣今此僕之所以向化歸義者智非不足
也力非不贍也才非不逮也勇非不壯也非兵革之
不精也非器械之不利也兵甲之堅可以摧百萬之
師也謀畫之秘可以壓千丈之雉而旣無一戰則又
無勝負矣夫何有強弱之不敵而有此求和也然而
區區所願者徒仰禮義文物之美衣冠風俗之盛願
爲聖人之氓於禮義之國也今閭下肯而許之俾容
此身於麾下則僕當效死竭力而僕之所領兵三千
皆梟勇慄悍奇才劍客也爲閭下先驅則足當一面

閣下誠能容而接之與之籌策共成大功以全社稷以安生民使東方之聖君無貽乙夜之憂則丹書鐵券垂功名於無窮而僕則為擇木之良鳥也閣下則為扶國之柱石矣豈非為僕之幸甚而亦非為閣下之幸甚耶惶恐頓首

上節度使書

惟癸巳五月日日本國講和將沙也可謹沐浴裁書于節度使閣下伏以小將東投講和之後即伏見本國兵器則雖有鈎戟斧鉞強弓勁弩而其於臨陣戰鬪之際一無精銳之可言者不勝慨然昔者晁錯之

言曰器械不利以其卒予敵也臨陣而器械不利者豈非兵家之大患耶日本兵器之最精者有異於是一曰火砲二曰鳥銃俱是兵家之最精而發無不中中無不死雖有智勇之絕倫而無奈於中丸雖有才畧之過人而莫禦於飛丸強弓之所不能當也利劍之所不能接也實天下最妙者也小將習知此等做出之方請以火砲鳥銃之制教之於軍中轉習其妙需用於戰陣則何攻而不取何戰而不勝耶蓋此鳥銃之法本是日本之所未有者而昔者日本沉水人得之於海底以為兵器則此乃楚漢相爭之時所未

有者而三國鼎峙之日所未聞者也古今兵家豈有如此鳥銃之妙技者乎今以鳥銃之法得行東國則何憂乎敵國外患耶惟願亟施小將之請爇炮搥火藥鑄鳥銃累萬餘柄試以破賊之後又教於各邑各鎮江邊屯兵處以爲兵家寂精之利器幸甚

答閔評事有慶書

日前自監營轉致下問書而比來轅門體候萬珍下懷區區伏幸而大駕播遷于寧邊凡爲臣子者孰不痛咄耶當此板蕩之時保社濟民專靠我明公但賊勢鷓鴣張殆無襲破之期伏望神謀秘計殲滅賊陣以安邦家則實爲宗社之幸生民之幸也鳥銃火砲之制既有備局之報此去陣下將金繼守金繼忠兩人既得精妙伏望一從其言則必得其妙

上謝副使漢陰李相國書

伏拜下書以伏審統餘道體候神衛萬重下懷欣幸而得伏聞大駕播遷寧邊竊伏想在憂國之職心焉如割之痛日夜入骨痛迫之極倘如何哉賤倖姑保殘息而日事干戈破賊無期徒自焦憫罪竦萬萬惟冀賢相公指揮之如何耳鑄銃之教頃因備闕遍教於公邊各陣而但聞鑄銃之鐵極艱難得幸伏

望鍾樓街上有破鍾之鐵埋置土中云以此等棄之
鐵遍給各陣多得鑄銃之意稟于 楓宸之下則實
為萬幸伏未知如何敢發此言極涉唐突而當今
急務莫過於此故有所伏違還劫罪悚之地

上謝全羅體察使松江鄭相公書

轅門操鍊之中伏拜下書謹伏讀書中辭意則有
大駕播遷博川痛骨罔極之教讀未了而涕淚潛潛
豈以此東方君臣逢此時運之不幸耶一般痛咄難
以伏違第伏審統軍道履神衛萬重下懷伏幸之至
賤俘殘息一如前操而竊伏見賊勢難挫鐵滅無期
此莫非賤俘不能效忠報國之致也死罪死罪搥藥
鑄銃頃因移闕上送金繼守矣伏未知伊間鑄出幾
許柄耶幸伏望勿限多鑄伏望

謝京畿觀察使柳公根書

伏拜下書謹伏審陣中體履神衛萬重是則幸也而
大駕播越寧邊之報聞不勝痛骨罔極之至伏想
職在憂國如割之痛倘如何哉伏慮萬亡賤俘望保
殘喘日事操鍊破賊無期此莫非賤俘等無才略無
籌策之致也只自死罪死罪頃者金繼守回還之後
得伏聞多鑄銃藥俾習精妙云聞不勝欣幸之至而

若有不足之患則更招金繼守以爲加鑄之地如何
伏望

謝黃海觀察使柳公永慶書

頃於八莒壘門拜謁之後恒切慕仰之際伏拜下書
披讀再三尤庸欣幸第伏審此時統軍餘體履神
衛萬相伏幸萬乞小將並保殘息而陣味日漸勞攘
而賊無期伏庸咄歎之至下問搃藥鑄銃之法頃
者金繼守進去之時伏想傳其妙法而或者初學者
訛傳其法故終不得妙耶然既有命送之教故更
送金繼守以爲期於極爲教受其妙法耳限其學者
必得其妙法然後還送繼守伏望耳

答慶州府尹朴公毅長書

伏承辱下書謹伏審陣中體候神相萬珍何等伏賀
第 聖上之次於博川實是臣民痛骨無涯之處也
伏想憂國之心必有如燬之嘆痛咄何言小將一味
如宿是則私幸而但賊勢少無摧挫何以則殲滅醜
虜以復君父之讎耶日夜顯望者惟在明公指揮方
略之如何耳身銃之鑄火藥之搵自是小將聞習之
事而東來之後竊見兵器之無一精妙故始教於陣
中而方欲遍教之際又有指示之教故以陣下將金

繼守依教上送幸伏望許多鑄搃以爲破賊之計則豈非國家之大幸耶惟願一從此人之指教則可得其妙法耳

答江原觀察使姜公紳書

伏拜下書伏審體候萬安伏喜難量而昨聞海西消息則黃牧破賊白馬山城奪馬五十餘匹云不勝欣幸伏未知得聞此好消息耶小將姑保殘息而惟以戰陣日事奔忙伏悶何白餘萬不備

答忠州府使尹公承言書

陰雨不霽川渠漲溢鎖人深陣適足生病忽伏承惠書無異坐語於干戈之中也何等欣喜况伏審此際氣候連亨萬玠伏庸慰賀小將殘息無恙是則幸也而賊勢鴟張頓無退挫之意而今有天兵分駐慶州大丘三嘉之令小將今向八莒而劉總兵亦有不久於大丘之勢是可伏悶耳鳥銃火砲其間鑄出幾許耶金繼守過今月後還送伏望耳

答全羅觀察使李公廷馥書

伏拜下書謹伏審分憂中體候神衛萬重下懷欣幸第 聖駕之移于寧邊伏聞以後五內分崩腸摧肝裂抑又何達竊伏想一般於一國何以堪抑伏庸

痛吐而已賤俘一味汨沒於戰陣之間徒自竭力而破賊無期此莫非智畧淺劣之由也罪悚何言頃因備闕之嚴飭以鑄銃搗藥之法業已遍教而又有此下教敢不惟命是從

答海州牧使李公恭亨書

日前上書其果下覽耶今又承拜下書連伏審近日潦水政中體候一向萬重何等伏慰僕連以戰陣馳突殆無暇日伏聞之中昨伏聞大駕次于博川驚惶痛惋曷有其極只自悲念無以仰達鑄銃一節既是一國之遍教竊伏想一依備闕曾多造出而但

間藥力似有未及遠透云此無他應有未極搗之致搗藥之軍各別申飭似好耳

答清安縣監金公有亨書

匪意得承惠書謹伏承無前潦霖政餘起居候一向區區伏庸欣幸之至第邦運不幸醜虜鴟張殲滅無期此莫非僕等不能竭力之致只自罪悚萬上鑄銃搗藥自是此人素所聞習之事而來此以後功欲廣教各陣各邑之計恒切于中而今有此指揮之教敢不承命茲以上送陣下將慣於做出之人幸伏望一從此人之言以為搗藥鑄銃之地

答忠清御史李公時履書

獲拜下書伏審繡衣行李餘體候神衛增重伏慰伏賀之至當此國事板蕩之日臣民之痛迫益復如何卽伏聞受命按問多有故御史風儀令人延頸有望莫安生民之道矣何等伏幸賤俸日事勞碌破賊無期只自罪悚鑄銃造藥之教素是此人之慣習者也雖非勤教而常有傳此法於東土之志也况有嚴教申飭豈敢少弛不以副盛命耶

答防衛使李公蒼書

頃者進拜迨今依幸卽於便來又承下書謹伏審此時潦炎防禦餘起居候一向萬重何等伏慰之至小將一味依昔而賊陣氣勢日以益盛而祖總兵立馬城外無意進闖我軍多有死亡是可悶也幸伏望援力蓄銳殲破賊陣以復君父之讎千萬顯祝

謝都元帥權相公慄書

伏拜下書伏審日來統軍餘體候萬吉伏喜難量而茅綠於祖總兵之立馬城外以致國兵之多死忿咄何言竊伏想一般於此心之慷慨不勝伏恚之地賤俸一自退陣之後常懷忿忿之心實欲生疽奈何何以則破賊獻捷以復君父之讎耶惟俟指揮之得

其妙策耳

答忠清觀察使尹公承勳書

連伏承下書謹伏審比日潦炎氣體候一向萬安是則幸也賊陣之近逼實爲大患竊欲勒兵以進而目今慶州陣未克執孤故不得遠赴伏歎何言賊倖一自移陣之後百事踈忽雖克身恙以是爲憂耳金繼守來到而得聞多造銃藥足以禦賊云伏喜萬萬

答禁府都事曹公好益書

日前伏承下書未及上謝又伏拜下書兩度尋問出於濫外只自悚側惶感之至連伏審陣中體候萬衛

下懷欣幸而茅昨伏聞大駕移于寧邊當此潦炎玉體能無欠和耶痛迫之懷伏想彼此一般何等搥胸次骨之痛耶小將殘息姑安而惟以破賊無期日夜焦思之地鑄銃之法既教於各陣又有備局闕文何敢少忽耶惟當謹奉下教極力遍教之意申飭於各陣伏計耳

答京畿右防禦使吳公應鼎書

伏承下書謹審日間氣體候平吉何等伏慰僕並得前樣而賜姓錫名之恩實是千古所無之隆渥感骨罔極而又有執事盛吟之句此實賤倖尤爲榮感

之地有光萬世之下者倘如何哉只自銘佩而已

答京畿左防禦使邊公良俊書

寄來華吟四絕讀不勝感佩之地也豈以外國賤俘
獲霑賜姓錫名之隆恩又得此大君子吟咏之美
耶只劫盛滿之戒何等悚側而已又伏承下書謹審
體候萬安尤為伏幸之地適因擾擾暫此

答蔚山郡守金公太虛書

敬拜來書謹審臨陣起居萬衛伏慰之至教意字字
滂淚敢不唯命而忘喪茅掃賊難於指日而誓只自
撫劔揮涕而已

答本道觀察使金公晦書

大駕播越西行一國臣民孰不痛咄伏想職在分憂
痛迫之懷益切于中何以堪抑伏承下書以審體候
萬重伏庸欣幸小將姑保殘喘而賊日益盛討滅難
期晝夜憂悶耳鳥銃火砲之制作甚非難知之事一
見可得精妙也而既有下書又有評事之請故茲送
陣下將慣熟制作之法者伏望多造教訓以為共破
賊陣以安宗社之地如何

答高公齊伯書

大駕播遷東土臣民孰不痛哭念恚耶竊想嗟咄之

懷一國同然伏未審比來臨陣體度神衛萬珍僕雖是羈旅之臣同被 邦運之不幸賊勢日騰勝捷無期只自撫劔長嘆惟冀天時之回泰而已伏望操鍊軍卒蓄銳俱發期於破賊之地日夜顙望

上都元師金相公命元書

大駕移于博川實爲臣子痛迫次骨之處也念亡之外初有何說耶但賊勢漸熾掃除無期尤爲痛悶伏不審比來都統體候萬重小將重支陣中而烏銃火砲之制金繼守旣得妙法故昨已上送於備局伏望附書于次知都監處問其多方造法以爲國家之長

策幸甚

答招諭使金公誠一書

大駕播遷西關一國臣民孰不流涕痛啞竊伏想位在柱石酸鼻之痛曷有其極此莫非小將等不能竭忠而致此也只自罪悚萬萬而頃於八莒陣中始得拜謁之後山斗之望恒切于中如有所大得於心而特以兵革之倥偬不得有時乎趨謁憧憧下忱與日俱深卽拜下札謹伏審統餘體候神衛萬重伏庸欣幸今因備局闕文備知烏銃火砲搥藥之法使之遍教之令小將前此業已使各陣學得此法矣又承

下書有金繼守上送之命故茲以上送此人多鑄蓄
銳以為伺發破賊之地伏望

答統制使李公舜臣書

伏拜下問書謹伏審統餘體候神衛萬重下懷伏幸
殲滅醜賊難定期日竊伏想憂國之心彌日彌篤伏
庸伏念之地小將雖是羈旅賤俘而猥忝臣民之列
一般於本國之臣矣然而智謀鹵莽才勇俱乏不能
出一計畫一策以補萬一邊圉罪悚之地下問身銳
火砲搗藥之法頃因備局闕文既教各陣矣今又有
上送金繼守之命敢不唯命伏望鑄出許多柄期於

全沒賊兵之地日夜顯祝

答紅衣將軍郭公再祐書

大駕西幸莫非臣子之罪也流涕之痛竊伏想一般
於一國臣民也第賊陣乘銳似有不可急擊之道伏
望按甲休兵乘釁俱發以復君父之讎千萬伏祝方
今諸陣顯望者以將軍忠義之堂堂應有礪白刃伺
發之道也鄙陣以劉總兵將若不久之勢故姑俟
都督之指揮而日夜伏望耳

答金將軍德齡書

賊勢日熾大駕西幸臣民痛吐寧欲溘然無知不

審此辰心制體度萬重伏慕倍切之至小將姑保殘喘而日事操鍊以爲蓄銳之地而今聞嶺右賊勢日益鷓張將以大都督之命欲向宜寧陣而所持器械無一精銳只待天時之默運耳

答日本副使金公應瑞書

寂寞邊塞獨坐撫劍悵望雲樹之際伏承滿紙情書伏讀再三如陪光儀何等欣幸而第審流火體度神衛萬重伏庸慰喜之至僕天涯絕塞支保殘喘此莫非聖上眷恤之德只自罪悚萬萬竊伏見書中示意將有涉海濤做萬里之行雖是朝家之命能無

去國之懷耶爲之伏慮萬萬而僕之所記許多文字來此之時未知生還對童稚故托屬於大人之案下百世之後俾傳於僕之弱子殘孫以爲流傳之計矣今者閣下有此長風破浪萬里之行伏未知誰托而何以歲之也然此乃僕之私願而今閣下任國家莫重之責受國家莫大之恩辨天下第一大行惟願晏然還旆復我聖主之命後獲手同盃說盡僕故鄉之事則一則以喜一則以悲也而惟有涕淚之漣漣者惟此賤俘旣在殊方幸值閣下之信便而緣於華夷之自別未能寄情書於骨肉之間此心悲涼倘

如何哉幸望如逢僕之諸兄而傳語報平安則實無異於此身之親往來於故國也欲說此事臨紙痛哭也

記

慕夏堂記

夫天下之國其履不億而東夷西戎南蠻北狄各隨其邦之俗有左衽者有侏俚者有披髮者有鳩舌者而無彝倫之序無禮義之風其違禽獸者幾希矣若夫中夏之爲國則上自唐虞三代之世以及乎漢唐宋明之時而有三達德五達道三綱五常天敘天秩

之彬彬則猗歟中夏之衣冠文物禮樂刑政信乎爲天下最而爲宗主於天下四夷之國也惟此青丘一域僻在海隅文質得宜禮教適中有父子君臣夫婦長幼朋友之倫焉有仁義禮智孝悌忠信之行焉則可以爲伯仲於唐虞也可以爲四於三代也而衣冠文物視大中夏爲小中夏也余生於島夷左衽之邦有慷慨異志於髫髻之齡慕中夏禮樂文物之郁郁者恒劫于一團方寸之間食而忘味枕而忘寢者二十年于茲矣歲在宣廟壬辰之四月清正爲帥與師東伐以我爲先驅故及至越海之日始見東土民

物則雖干戈之間尚有禮讓之風焉倥偬之中亦有
文物之盛焉真所謂三代禮儀盡在此矣吾豈忍以
干戈加於仁義之邦亦豈以弓劍施於衣冠之民乎
自在本國行師之前已無意於征討禮義之邦則及
至東土越海之日夫安有侵暴文物之鄉哉惟如是
故曉諭於民人講和於本國累蒙 天恩賜姓錫名
加以崇資獎以竭忠豈以島夷之賤俘猥蒙三 朝
之恩寵耶茲借一廛為氓於 聖人之朝又占一庄
遺托於子孫之居慕夏二字揭以堂名大抵慕夏之
義非在於徒揭堂名者也畫出乎平生慷慨之志寫

得乎中心慕夏之義也蓋一慕字之中自有無限之
志也慕之為言慕中夏之禮義也慕中夏之文物也
慕其衣冠慕其民俗也三綱五常心悅而慕之孝悌
忠信心悅而慕之言行動靜之間無非慕夏也起居
云為之際無非慕夏也然而非但此身之有慕於中
夏抑亦使我子孫亦慕於中夏然則堂名慕夏以銘
此心揭以慕夏以彰吾志惟爾子孫體我慕夏之心
認我慕夏之意忠孝以傳家禮讓以修身則庶不負
於余之慕夏也慕夏二字實為吾平生之至願也遂
以慕夏名吾堂而記焉

禠著

鹿村誌

余即島夷之人也當壬辰之歲清正非義興師欲伐東土而以我為先鋒余乃心非清正之無名興師而生有慷慨異志年纔孩提以後無意於左衽侏俚之俗有志於中夏禮義之彬彬清正之遜為先鋒佯若欣然許為先驅及至越海初見萊府則衣冠文章有唐虞之俗禮義民物如三代之風雖兵火搶攘之時而無變俗易風之道故心欣然悅之慕夏之意益切于中以心無征伐之意曉諭於東土民人遂以所領

兵三千歸附于本道節度使之陣而一自講和之後切有效忠 聖主之心一戰而勝於南方再戰而又勝於南方連上捷書則自 上使之乘駟上京 命呂引見賜以姓名由是感激一片丹心斷斷無他而大抵東土軍器之窳精者太不如日本而至於鳥銃火砲之節全不知何樣物事故余乃教其炎焰焯做鳥銃之制而東土之人多有才藝數月之間皆得精妙以此鳥銃所向無前戰必得勝故國家別設訓局都監教以鑄銃搗藥而為軍器之窳精者壬辰獲功蓋由於鳥銃訓練之設也雖無鳥銃以東土 聖君

之作必無不勝之理然而亦安知果獲全功之道哉
雖然余之托跡東土者非求榮達也非為釣名也蓋
其講和之初心有二計焉一則慕中夏禮義之俗樂
堯舜三代之風而受一墨願為東方 聖人之氓也
一則遺子孫於禮義之邦繼繼承承必得其為禮義
之人而無求顯達謹守余志則余目可瞑於九原余
心自樂於泉臺故親占一庄於達城之南三聖山下
友鹿之洞惟此所占非盤谷而盤谷也非栗里而栗
里也其為庄也山不高而秀麗水不深而清淺鳳巖
立其東黃鶴之峯峙其西南有紫陽北有白鹿寒泉
之水湧其右仙遊之洞邃其左蓋鳳者文明之瑞而
出於舜文之時則以巖名鳳者可見其文明之兆也
鶴者仙人之禽而李謫仙有昔人已乘黃鶴去之句
則以峯名鶴者可見其仙人之棲也況且紫陽白鹿
即朱夫子講明道學之地則吾子孫或冀有講道討
義之人歟余於洞名友鹿竊有所取焉夫山人之隱
居山中者友麋鹿而偷閒則友鹿之意果合於吾平
生隱居山中之義而滌塵心於寒泉之水掃白雲於
仙遊之洞故誅茅卜居以遺子孫是乃吾遂願之地
也此不過一身之私幸而八年南憂之餘北警繼起

無歲無之故余乃自願仍防十年邊塞晝夜枕戈脩
經艱險堇得寢熄而還 光海朝引入後苑 親自
犒饋特加正憲 教旨中自願仍防其心可嘉 御
筆書之而所可念憺者歲在 仁廟朝甲子逆迨肆
凶伏誅後其副將徐牙之素稱飛倭也東西馳突無
與比敵故余乃追斬其頭獻馘 九重朝家以牙之
贖公田民 賜牌酬功余為固辭不受納于守禦廳
為屯田而所可哀痛者天運不休邦厄未盡又於丙
子北胡匪茹侵于之疆余卽聞變星夜馳突及至京
城則 大駕播遷于南漢賊勢滔天遂以所領兵二

百五十名直抵雙嶺之陣殲戮醜虜幾至勝捷獻馘
之際火藥庫中奄然失火此所謂英雄無用武之地
也七張空拳矢道既盡故欲赴南漢 行在之所扈
從 聖躬而所斬賊臭臭不知為幾萬充戰帑趨程跋
涉至于南漢則和議已成計無所出不覺失聲大哭
憤氣徹天投賊臭於地膽欲裂而心欲摧嗑唏流涕
曰豈以東方禮義之邦而忍屈膝於犬羊之下則揆
以尊周攘夷之道其何以立於覆載之間耶余有一
劍是當百萬師而今焉若此安用此劍乎投劍涕泣
怒髮衝冠噓噫痛矣若使東土臣民有一分春秋之

義則寧不愧哉寧不愧哉寧死於灣胡白刃之下不願為講和於醜虜之前也言念及此壯士英雄之腸安得不摧裂哉蓋宣廟之賜姓金字者以本姓出於沙氏故取義於沙中金之義也以金海為貫者我自海中而來故取義於海中金之義也前後三朝荐蒙國恩非止一再欲報朝家之恩實為骨碎而肉糜固所甘心嗟爾子孫體三朝寵遇之典追思余投托之意世世相傳謹守鹿村不以榮達為意務耕勤學漆室之中徒懷丹忠之心蓬蓽之下毋忘戀君之懷以副此投托之意以慰我九原不瞑之魂也

家訓

余之托跡東土者非但為遂平生慷慨之志也有慕中夏禮讓之風而欲使子孫綿綿為中夏之民世世為禮讓之人也故今茲卜居于大丘鹿村之中為吾子孫者須體我意毋慕乎榮達而務耕勤學不願人之富貴而尚清尚儉居家以孝親出外以忠君發一言而或恐不忠不孝行一事而或恐不清不儉毋以酒色喪滅天性毋以貨財負乎親戚賊乎人者莫不慎哉母博奕母鬪鬪博奕則心荒鬪鬪則身亡可不慎哉

不懼哉余乃島夷之人羈旅於本國一自歸義之後
歲在丙子我國講和於北虜夫北虜者大明之敵國
也故余亦以尊周之義恨結中心而顧此賤身三
朝之所寵遇也以三尺長劍十年邊塞之所仍防也
我則生丁不辰遭遇板蕩忠孝掃如清儉蔑如常有
愧忸之心汝曹母以我為模忠於君孝於親以伸吾
願清於節儉於身以襲吾志則人必指汝等而言曰
其父其祖雖是島夷之人有子若是有孫若是云則
豈非有光於我耶且人有善而揚之人不善而掩之
人犯我而不較人謗我而默默則犯者自愧謗者自

息矣爾曹勉之且爾等雖或有富貴而母以富貴凌
蔑貧賤雖或有貧賤而安於貧賤見人之厄窮而必
周恤之見人之貧弱而必救濟之此心常存乎心則人
亦救我於厄窮貧弱之中矣豈不休哉種一德而
受百慶於後世行一善而遺萬利於子孫也欲爲子
孫計者可不以德種之以善行之乎敦睦於同堂之
內則外人不致侮之而家祚綿遠忠孝於一門之中
則遠近慕之而子孫受福豈不休哉且吾家得姓得
名之後恒有私分之惶愧者夫忠之一字善之一字
卽吾平生之所不堪所不能而卒得美名於 聖朝

以顧名思義之道論之則寧不愧哉寧不愧哉為吾
子孫者忠於事君善於行事其於顧名思義之道襲
我平生之願慰我九原之魂矣區區之懷曷嘗少弛
為吾子孫者勉之勉之

內外子孫及同里人約條

一惟我托跡殊方孤寄萬里有子有孫成行眼前咨
爾內外男女子孫體我遠來投托之意以敦睦為
戒以忠孝為主無負余平生之志事

一惟我子孫與他姓共井之人誼同至親情猶骨肉
勿以細事微故互相鬪鬪勿以女子之言童稚之

傳遂成釁隙事

一孝於父母然後百行從之毋論大小男女以孝親
為本事

一惟此共井之人毋以少凌長以賤凌貴毋以強凌
弱以富凌貧毋肆虐毋放逸毋使酒毋博奕毋相
爭事

一根於農桑毋墜葉棄職毋至貧窮事

一凡於官納及還上應稅等節每以初定日畢納無
貽官家之憂事

一同井之人若有疾病憂患而至於失農之弊則勿

論上下一齊合力付種及除草秋穫等節俾無失時事

一里中之人或失火則各出蓋草椽木以爲搆舍助給事

一同里之人或有失物逢賊之事則勿論上下家家人各持麻繩一二把三稜杖齎糧追尋跟捕限五日還歸事

一同里之人生子而觀其氣骨才稟文武間各其勸獎期於成就事

一同里之人或無器械不能如意作農則有牛器械者先爲借給俾無失時愆期事

一凡我子孫及同里之人冠婚喪祭之時無財不能辦備則同里之人各出財力以爲賻助事

一同里之人若有與他里人相爭則勿爲偏黨以義理辨其曲直是非以爲和解事

一每年春秋講會之時有司持此約條讀聽上下人而其女子童稚則以釋讀聽事

一春講會則以花辰爲之秋講會則以楓節爲之而講會時各持盃果以爲終日燕樂事

余乃海外羈旅之人孤寄殊方之蹤慕中夏禮

樂文物之盛借 聖人一片寸壤之屢遺托子
孫自成一村間有他姓同里共井則必有敦睦
和融之風然後里可有仁厚之俗矣苟或不然
人各異心家各異論則吾所以慕夏投托之意
果安在哉茲以大槩約條列之于右以爲一里
中金石之典誠不負約條而一乃心力則衆心
成城日新又新矣外村之人誰敢侮之而其將
謂里仁爲美矣惟願吾内外子孫與他姓之共
井者克遵此丁寧之約條則庶幾有補於風
化之萬一云爾

慕夏堂文集卷之一

慕夏堂集卷之二

年譜

皇明神宗皇帝萬曆二十年我王二十六宣祖大壬辰公二十

歲夏四月十三日公以日本右先鋒將領兵三千

渡海下陸至釜山下令軍中曰凡入人之國利人

土地貧人貨財以殺戮搶掠為主者兵家大忌汝

等但以堂堂之陣井井之旗厲氣蓄銳以待將令

時闕白平秀吉使清正大起兵託以假道朝鮮乞

貢天朝而其意欲先陷朝鮮跳踉大明之意也

公不欲聽命而慕夏之意迺平生蓄積強從十五

先來見風土文物果如所聞決定向化之意日揭榜以無戰伐之意曉諭民間使安接之二十

日移書本

國節度使講和

時蔚山郡守李彥誠為本兵營左衛將率

郡兵馳往東萊見賊勢大鷓惶怖逃死邊民大潰

公將蓄銳奮擊之蔚山郡人徐仁忠徐夢虎亦懷

賊體察使并以公向化立功之意啓達上聞而

嘉之即命乘駟上來引見試藝大加寵異除嘉善

以南垂一面向防禦之責特命歸陣○本道巡察

使金粹以前萬戶金太虛為蔚山假郡守使集散

亡餘卒與前縣監朴弘春前奉事全應忠追擊東

萊梁山機張之賊以公之器械精銳常為前鋒十

一朔之內連捷七八戰獻馘相屬還屯蔚山

一月公以本國器械之不利上書于本道兵營因

於各道各陣教以鳥銃搗藥之法

二十一年癸巳公二十正月聞平壤賊小西飛為金

將軍應瑞所斬驚喜曰吾之隱憂已除幸也○二

月謁招諭使金鶴峯於八莒○四月諸賊水陸四

道并進公移陣慶州蔚山郡守金太虛與徐仁忠

堂中伴及鳳吉里小峰臺獻馘三百餘級權都元

帥慄韓御史俊謙并為馳啓金太虛全應忠徐仁

忠朴弘春并錄原從一等○八月右兵使金公應

公則特賜姓名加資資憲○八月右兵使金公應

瑞聞公盛名移書邀見有比後隨事

二十二年甲午公二十與金兵使應瑞連營留陣日

兵使問於公曰賊酋平行長與義智調信等邀我

於咸安谷峴其意安在可想得否公曰他人有心

卒難預料而似不過天朝許貢封王之舉及與

朝鮮講和之事然此賊等燬我九廟夷我二

陵東萊平壤之陷極為酷毒此實不共戴天之讐

豈可副渠所願乎且天朝兩提督八總兵方連

續出來當抄滅而後已

然惟在公裁處之耳

嘉慶二十三年

二十三年乙未五歲二十時 大駕已還都西北諸賊

為天兵所逐稍稍南下往往屯聚公移陣蔚山日

事鍛鍊

二十四年丙申六歲二十 還軍甌城時賊首玄蕪竹溪

壘居堅守公之壘下將士按甲蓄銳久矣皆鼓勇
願用公携兵至壘下時郭紅衣拜祐為義兵將以
李光岳為副將金德齡為別駕水陸并進迨逼壘
下已近十餘日而玄蕪等堅壁不出義兵以糧盡

還軍甌城

二十五年丁酉七歲十二月金兵使應瑞移書邀公

兵使謂公曰再昨譯倭要時羅以平行長言來云
合和事不成全由於清正吾甚疾之而朝鮮及上
國騷擾之事亦莫非清正惹起之而今當再出預
整舟師邀擊海中可以破殺之而水戰之才獨有

敵制使李舜臣吾輩則下陸後自有勦滅之策且
公則不探賊中之勢而必也坐以想得公須預料

凡八月以收正又陸全功云公曰諾曰蓄銳以埃之
力且積怒於公之往日逼城挑戰之事以兵迫公
甌城對壘屯兵翊日不戰而引兵向金海去○冬

十月麻提督使金應瑞擊甌城賊遠提督節制見
敗而還提督怒甚將行軍律公作軍令狀請於提
督曰應瑞即小將主人而今將被律云不忍坐視
其死願挺身出戰斬後將頭以贖其死提督壯其
言而許之公勦擊其賊斬

二十六戊戌八歲二十春正月公以麻提督令擊倭

將義智於甌城大破之時右道賊踰洛東江下流

道日夜擄掠至于慶山大丘之境權都元帥樛啓
道今賊勢如此請以金應瑞留陣大丘公聞之自
願即日移兵留陣密陽往來清
道而勦擊兩邑之賊遂遁去

嘉慶二十三年

三

二十七年己亥公二十九歲公請體察使柳相公成龍曰

前到清正今復再出而到今兵勢可謂稍挫不足

憂也而此後早晚之間夏有清正是可慮也不虞

之備不可不飭願得體察之命與金繼守金繼忠

等分往各道各邑各陣摘奸軍機而其中砲丸之

小者多之不精者精之以為苞桑之戒體察許之

分送金繼守等而公亦以兵行且戰且巡

二十八年庚子公三十歲娶仁同張氏晉州牧使春點女

本國各陣亦罷公曰八年之間吾之至願畢矣而

但故國遠矣親戚絕矣吾安歸焉謝絕故國非李

陵之不取歸也羈旅朝鮮非蘓武之所幽囚也去

國之懷雖無可言出谷之意已所蓄積南山之南

二十九年辛丑公三十一歲慕夏堂成記以見志

三十年壬寅公三十二歲

三十一年癸卯公三十三歲時北警歲起宸憂正切公

以防禦失策陳疏自願十年仍防

三十二年甲辰公三十四歲裁書答副使金公應瑞時倭

被虜人金光若聽賊潛囑自馬島來言倭復入冠

朝廷患之議遣使日本而天使李宗城敗歸之後

人皆憚行謂倭重佛以僧惟政為上使又謂倭嘗

三十二年乙巳公三十五歲在仍防所

敬畏金應瑞以為副金應瑞以此裁書于公公有

修答許多文字曾批

投大人案下等語

北山之北何處不宜遂於巖頂之南友鹿之洞見

溪山秀麗洞壑靜僻誅茅構屋為謝功名之地

三十四年丙午公三十一歲 ○三十五年丁未公三十七歲

三十六年戊申公三十八歲 二月朔日 宣祖大王升遐

公使金誠仁等代領其衆使之防禦即為上來

因山後又去仍防所

三十七年己酉公三十九歲 ○三十八年庚戌公四十歲 ○三十九年辛亥公四十一歲 ○四十年壬子公四十二歲

四十一年癸丑公四十三歲 陳疏歸鄉里以仍防十年邊

而振旅還朝自上引入後苑大設犒饋因加正憲
教旨御筆特書自願仍防其心可嘉公陳疏謝恩
而即歸鹿門故里

四十二年甲寅公四十四歲 在鹿門田舍

四十三年乙卯公四十五歲 一子敬元生

四十四年丙辰公四十六歲

四十五年丁巳公四十七歲 二子敬信生

四十六年戊午公四十八歲 ○四十七年己未公四十九歲

恭昌元年庚申公五十歲 三子右祥生

天啓元年辛酉公五十一歲 ○二年壬戌公五十二歲

三年壬戌年 癸亥公五十三歲 四子繼仁生

四年甲子公五十四歲 三月副元帥适舉兵犯闕 上幸

公州都元帥張晚討适斬之适將徐牙之素稱飛

倭亡命南下公建斬於密陽嶺南藪獻馘 上奇

之以牙之田庄賜牌公陳疏還牌

五年乙丑公五十五歲 ○六年丙寅公五十六歲

七年丁卯公五十七歲 五子敬仁生

崇禎元年戊辰公五十八歲 作家訓以戒子孫構約條以

講鄉里時時漁獵優遊自適焉

二年己巳公五十九歲 ○三年庚午公六十歲 ○四年辛未公六十一歲

十一歲 ○五年壬申公六十二歲 ○六年癸酉公六十三歲

七年甲戌公六十四歲 ○八年乙亥公六十五歲

九年丙子公六十六歲 在鹿門聞虜警言急不待召命星夜

馳赴京師 大駕已播南漢直赴雙嶺與左右兵

使分營各陣邀擊虜兵大破之積屍如山虜即鳴

金而退以後隊為先鋒移犯右兵使陣公又追擊

虜兵幾敗火藥庫偶然失火士張空拳官軍合沒

公使所領兵斬賊鼻各克戰帑扈從入南漢和議

已成投散鼻帑發聲大痛曰何忍使禮義邦君臣

屈膝於犬羊之前乎春秋大義到此掃地然勢莫

之何以兵留陣以待虜還而南下

十年丁丑公六十七歲 ○十一年戊寅公六十八歲 ○十二年

己卯公六十九歲 ○十三年庚辰公七十歲 ○十四年辛巳

公七十一歲

十五年壬午公七十九歲九月二十日以疾終于鹿門田

舍一時於神驚惶不已
鄉里共井如悲親戚

十六年癸未正月葬于三頂山壬坐之原

崇禎後二十七年己酉豎碣行郡守俞公秘撰

正廟十八年甲寅十月享鹿洞祠立祠之議積年未就
英廟丙申三

南儒生合疏請褒伏閣而奄遭天崩之痛未得登微正廟己酉因鄉道儒公議竣發始奉安

二十二年戊午刊文集撰年譜公之志節功勳及微事細行為人口碑而若實錄事蹟散出未哀己酉始得全帙於龍岡金將軍遺篋考證於稗記瑣錄攬撫歷叙而窮鄉後生見聞謏寡遠久之事必多

闕漏惟願世之博學君子隨聞隨補益暢公遺烈是埃

慕夏堂年譜終

慕夏堂年譜

七

慕夏堂集卷之三

附錄

詩

京畿右防禦使具應鼎

蠻塵洗却海東濱文物依然三代人 聖意必思

垂素願姓名亦使一時新

詩

左防禦使邊良俊

天嘉公伐 賜公名翰得生平慕夏誠一切蠻風

蟬蛻盡千秋竹帛事光明

書

本道巡察使金 晬

皇天不佑 蠻輿播越臣民拊心之痛舉國想同

此將奈何即惟秋涼轅門起居萬珍潮慰無任僕
一縷遲頑猶保共戴之下此恨如何身在藩任而
不能捍禦天步艱難至於此極其為藩臣之罪
萬死猶輕然職當竭力盡心死而後已而謂器
械不利太甚以卒與敵不有時刻其為憂懼何可
勝喻執事所翔鳥銃火砲等物聞甚神異方營鑄
成而其制未詳故俄有評事之請而事係時急如
是更懇麾下透妙之手從速命送共濟國事如
何深企深企而目今一時倚仗只一將軍之器械
與籌策而已更復另加心力以雪不共之耻是所

望於夙宵之中也

書

左節度使金應瑞

應瑞與足下各生於蠻海數百里之外相逢於干
戈搶攘之中一自相和之後雖有同苦一陣之誼
應瑞平日認足下為英雄奇男子也而已足下之
於應瑞視之為一依托主人也而已不意緣於士
卒之失伍以致大提督之震怒固知我罪萬死猶
輕而幸蒙足下之大義更活將死之命感則深矣
恩則至矣凡於人之困厄捐生救之者猶有難忘
之恩則而況於命在頃刻者乎應瑞一凡人也一

愚夫也當此國家板蕩之時固不足惜死而以足
下急人之義有浪延殘命之恩悠悠此世恩謝靡
極說道感幸一筆難盡稍待乎平賊之後更施結
草之報何必區區毛舉耶無任

書

評事閔有慶

未審仲春轅門戎履餘動靜能無騷攘耶為之馳
慮不已僕久滯兵革之中殲賊平亂不知在於何
日其憂悶之狀想彼此一般何等悶迫耶我國兵
器大為踈忽當此干戈掎擻之中每欲得精妙之
道而聞令麾下將金繼守傳得令之教出火砲之

法望須命送得制初出火砲以助破賊之威則可
備不虞也此乃共濟國事之誼也同破賊鋒之計
也未知期於命送金繼守俾傳妙制如何專恃
書

高彥伯

邦運不幸 大駕播遷寧邊臣民之痛哭挺胸處
也其念悲慟咄之懷彼此何異幸須以令之勇膽
義氣出死力破賊以復君父之讎則實為邦家之
幸也今必有是義氣矣何須多談耶賊勢日熾似
難抵當安得如今之賢將以共此憫而襲破耶只
自痛悼而已幸仍令之教以鳥銃之制以此兵器

之妙破賊必矣尤庸獻肝

書

右節度使金應瑞

辱惠書謹悉而書中辭意歷歷推會則滿紙縱橫無非背暗向明之辭也去濁就清之意也則真所謂英雄豪傑之士也兩國相距勝負未決一卒之來托猶可有容接之道而况於英雄豪傑之枉臨鄙陣耶人潔已而進與其進也有夫子之訓也來者不拒者孟子之誨也則今足下之進與來也正合於孔孟之訓也愚何以不遂足下之願乎誠如足下之言有共濟國事之義東土邦運之再昌庶

可占之也將軍鴻功之樹立亦可期之也惟願卽爲掃除諸賊以安邦家垂奇勲於青史展義氣於當世則大丈夫事業於斯至矣何待多談卽速枉顧壘門以叙籌策之地幸甚

行錄

先考正憲大夫府君卽日本人也本姓沙氏諱也
可以少尹正八我 宣廟朝以功賜姓金氏錫名
忠善字善之貫金海蓋千古異數也父諱益祖諱
沃國曾祖諱濬公生于隆慶二十五年辛未正月
初三日卒于崇禎十五年壬午九月三十日享年

七十二公年纔髻齒已有慕夏之心嘗慨然自傷
曰人生而爲丈夫是則幸也而不幸不出於中夏
文物之地生此偏邦夷服之中未免爲左衽而死
則豈非爲宇宙間英雄之恨耶慷慨不已或至涕
泣食而忘味枕而忘寢者久矣壬辰清正之興師
東伐也公心非其無名興師而清正以公爲膽勇
絕倫義氣過人選公爲右先鋒將時年二十二實
無意於爲清正之先鋒而素聞東土爲禮讓之邦
爲其一出朝鮮欲見其衣冠文物禮讓之俗而強
爲先鋒許以驅馳領兵三千越海於壬辰四月十

三日見朝鮮之文物則雖蒼黃急遽之際兵火控
惚之中禮讓之風衣冠文物誠如平生所聞故雖
奉命於本國仗鉞於殊方心欣然悅之者用夏變
夷之意遷于喬木之心油然而生矣乃歎曰三代
禮義盡在此矣越海卽日作書曉諭使民無騷
擾流散之弊安堵如故又於是日講和於本道兵
使朴晉協力討賊累立功勳時兵使具申上聞於
行在所 上聞而嘉之卽命本道乘駟上送公聞
命卽到 行在所 宣廟朝引見試藝後甚奇
之賜嘉善階乃萬曆二十年十二月日也因使領

其所率三千責以南垂防禦當此之時賊益水陸并進公移陣慶州蔚山郡守金太虛與徐仁忠亦移陣慶州協力接戰于利見臺中洋及鳳吉里小烽臺獻馘三百餘級都元帥權慄御史韓俊謙并馳啓金太虛全應忠徐仁忠朴弘春并錄原從一等公則特賜姓名加資資憲以我朝冠服青布三千疋慶賞之其後天兵追賊南下比至蔚山則倭賊已據西生城堅壁不出天將麻提督以我國慶尚左兵使金應瑞爲先鋒自爲後應左兵使亦以公爲先鋒攻打賊陣所向無敵賊醜自知勢窮力盡巧作詐謀投財擲寶於城外使我國之兵收拾以取天兵見而慕之爭趨取拾之際遠伍失行賊兵登樓放丸天兵中丸而死者不知其數天將怒其節制之違忿其賊勢之熾欲斬應瑞公請于天將曰願斬賊首以贖應瑞之命請置軍令狀天將許之是夜二更矣公以所領軍百餘人越城突入以火攻之賊陣潰亂相失公奮臂大呼追斬數千餘級獻于天將以贖應瑞之命遂致天兵之全功先是我國本無鳥銃不知炙焰搗火藥放丸之事公講和之後卽請

嘉慶皇帝集附錄

于兵使始教鳥銃造藥之法故二十一年癸巳朝
家別設訓練廳募八碧潼降倭三百餘名造藥做
砲公又使軍官金繼守繼忠等使之教練各道江
邊造出火砲鳥銃之際古有破鍾埋在鍾樓故公
請于體察使以其破鍾之鐵冶鑄火砲鳥銃等物
令一國軍卒習其放砲放丸之技數月之間一國
皆得精銳發無不中中無不死蓋壬辰八年兵火
我國之追奔逐北所向無前獲全功保 宗社奠
生民者盖由於鳥銃火砲之出則公之功於是為
大矣平日嘗聞於先君則昔者日本沉水軍得之

海中以為兵器之取精最妙者云噫 宣廟癸卯
北警數起無歲無之以貽 朝家之憂光海朝引
見公問之以防禦之策則公亦自願仍防十年當
一面據守要害之處其他分方屯軍皆有期限交
適而公則仍防一處於十年俾不交適各處軍糧
則皆使軍人就運於列邑一守信地終始靡解者
十年如一日其時體察使羨其忠誠 啓達于
朝光海聞而嘉之命召引見於浚苑親自犒饋特
為褒賞加資正憲賜自願仍防其心可嘉八字而
所領軍人以次論賞蠲減復戶 仁廟朝二年甲

子公年五十四也逆适肆凶之時移檄于公公時
在鄉庄而卽見其書大驚失色念對适使裂破檄
書大罵曰豈意如此 聖明之世有此亂臣賊子
耶揮却而逐适使矣适又送使脅之曰若終不聽
吾言則吾得志之後滅汝子孫破家滅澤矣公卽
斬适使仍沐浴齋戒焚香祝天願殲适賊者六日
此則不肖孤之待滕時親所目擊者及适伏誅之
後副將徐牙之素稱飛倭也領軍逃竄東西衝突
而以其驍勇絕倫之故我國之兵莫敢抗衡人皆
畏避無敢追捕者 大駕還輿之後下令本道巡

節兩營使捕牙之巡節兩營大發軍卒次于洛東
江上下令亭長曰牙之必領軍而來渡此江及其
渡江之時汝等棹船于上流泊於石壁之下則彼
前不得登退不得還若此之時如以大軍掩殺庶
可圖矣亭長受令而待越二日牙之果到登船亭
長中流棹船而上向於石壁之下則牙之會其意
而大怒叱其軍欲斬亭長亭長惶懼不敢泊船於
巖下直向平陸而渡之牙之領軍策馬直衝巡節
兩營之陣如入無人之境而自如過去牙之所率
軍百餘名皆慄悍勇力我國軍兵戰慄懼伏莫敢

犯前為國大患自 上命公捕捉公以效忠報國之心承 命欲建之度牙之之才勇則不可以軍卒威勢智畧勇力捕捉也且况有二寶劍常佩於衣帶可當百萬之師也牙之自洛東津躍去之後將有還歸日本之意轉向海邊公輒解其意乃運秘計先使分付於路邊及傳舍處盛置酒肉以饋之行到密陽嶺南數相逢牙之牙之似有逃去之意公以温言誘之曰余汝俱是日本之人也余則既已投命而遺子孫於東土汝則在此而為逆逆之將為逆於東國必不得生也雖還日本汝又降

於東土為逆於日本豈可以得生乎於此於彼汝安歸哉然吾留在此汝歸日本今日乃去留之日也終日飲酒不亦可乎牙之曰諾是時公以去核暗置衣襟中而相與勸酒公則佯飲而灌於衣襟中去核故終日不醉而牙之則以毒酒連飲大醉昏倒氣息如雷公使家奴大器潛拔其二寶劍大器者自日本來時率來家奴亦勇力絕人者也牙之乃覺而先以手撫其所佩寶劍則俱無有驚惶失色之際公即命軍卒縛致麾下而平明大會軍兵威儀跪於階下數其逆命之罪使之就戮則牙

之俯首聽命曰唯唯公使人遂斬其頭及麾下勇士十餘人獻馘于朝仁廟大奇之以牙之籍沒田民賜牌于公以酬功公抗疏曰討逆受功其在臣子之義固非爲國竭忠之道也大違事理心極未安請納于守禦廳爲屯田至今在於大丘清道金海密陽昌原靈山等地稅於守禦廳則公爲國之忠斷斷無他於此可見又值丙子胡亂之時公年六十六也在鄉庄得聞胡兵長驅無人可禦公不待 旨命星夜馳突比至京城則 旨命始下而 大駕移御于南漢重被圍繞朝臣奔竄無

處付托公因不下馬直赴戰廣州雙嶺陣則乃慶尚左右兵使陣也左右兵使見而大悅之互相爭募故不能付入於彼此卽以所領軍一百五十人離大陣五里許別成一陣以待之矣是日夜子丑時震天動地之聲自遠而近達朝而不休及其平明視之則鐵甲胡兵雲屯蟻聚彌滿廣野鈞戟蔽日公號令軍卒嚴整隊伍建旗於百步之外下令軍中曰胡馬若到未八百步而放砲者斬列成三隊蓄銳伺發俄而胡馬先鋒擁楯綽鎗大鳴戰鼓揮旗魚貫而進威聲沒整殺氣成虹公親當先犯

直前則胡馬先鋒中九落馬者不計其數後軍扶到猛如風雷公又親自擊鼓指揮軍卒自卯至辰放砲不已橫屍如山流血成渠胡軍掣於僵屍不得進前以要金去屍蓋得一線路往來而無抵敵之道故鳴金退却公從後放砲追至慶安橋十五里蔽地賊首難盡計斬只斬賊鼻盛於戰帑中者難計其數胡兵不能抵當卽以後隊爲先鋒涉山涉水突入其陣後先犯右兵使陣而又中放砲幾乎止敗之際火藥庫中奄然失火左右兩陣皆爲陷敗公見胡兵之得勝慷慨不已而年逾六十不

能自前顧謂副將金繼忠金戎守金誠仁金貴成曰能衝胡陣多獲首級者必重賞之四人應命躍馬揮刃直衝胡陣所到之處胡兵果爲披靡繼忠戎守貴成二次衝突多斬首級而還誠仁則少無退意往來衝殺力盡勢孤死於胡鋒之下公見其忠勇而死於王事卽欲并死徒死無益故欲爲扈從 聖躬而歸赴南漢則和議已成矣雖發憤欲死而死無奈何且成功自處亦非美事故賊鼻所盛之戰帑投於地擲劍大哭怒髮衝冠曰吾聞北虜 大明之敵國也大明朝鮮之恩國也若思

大明則東土臣民寧死於北虜之鋒下其在春秋
之義豈忍講和於北虜乎仍自痛咄而歸噫公為
國之忠尊周之義實無愧於魯仲連蹈東海之志
而公晚年又嘗語不肖孤曰天牖我衷寔至今日
既為氓於中夏又使汝曹遺托於中夏是則幸也
而但受 三朝罔極之恩一介賤臣未得報於萬
一死有餘罪目不瞑於九原汝曹念之不肖孤超
而承命不知其言之悲也及今思之豈不哀痛之
甚者乎嗚呼公生於蠻鄉長於蠻鄉左衽侏俚之
中超然向化於中夏文物之俗故越海之日講和

於東土者專欲寄子孫於東土之意故先君嘗於
往來京師之時共濟艱虞於壬辰之諸宰大臣欲
拔薦不肖等而問有子於先君則有不肖等兄弟
五人而先君對之以無有蓋不欲其顯揚子孫之
意而有此對也其後訓局思公訓練功勞以不肖
孤別薦 啓下本局其 啓辭 批答曰金忠善
向化歸義之誠為國盡忠之心極為可尚其子孫
世世錄用加給復戶為 教前後事蹟畧在於大
丘邑誌噫公雖不以學文為業而每當先世諱日
則涕泣終日必正衣冠明燭達朝且於南風之吹

來則舉衣解帶南向嗟唏喟然長歎或至涕泣此
乃思鄉慕親之懷莫之禁而發於外者也公之於
孝也誠爲出天之孝也公之鴈行在十去二而爲
末於兄弟之列每見人之多有兄弟則又爲泣下
欽羨友愛之道於斯可推而至於忠之一字則已
見於臨陣之間行事之中矣見人而恭敬慈愛御
下而度以己心故公之別世後家奴大器素以忠
奴侍公之墓下者爲三年則公之於僮僕置之赤
心之中蓋可知矣而教子弟以忠孝立家法以嚴
厲雖至望八衰年必鷄鳴而起正其衣冠終日端

坐未嘗疾言遽色喜怒不形於色憂憾不施於容
公之所著家訓及鹿村誌畧有公所懷則不肖孤
何敢贅一言而妄辭得罪於先君之靈耶噫先君
一自東投之後未嘗言日本之事亦不言來歷氏
族故子孫未能詳知世譜來歷而先君東來之時
懷來辛卯式戶籍故子孫僅知先君以上三代是
誠爲幸而先君身長九尺力能舉四五百斤義鬚
髯勇如風雷氣如長虹行步如飛坐必端拱不有
言事則終日默默雖有喜幸而未嘗見齒開口便
說孝悌忠信禮義謹和等語而及夫我國講和於

嘉慶堂集附錄
此虜之後恒切尊周之心且壬甲丙三亂樹勲之
後未嘗自伐立功之事或有爲公誦功者則必擢
蹙無語又不爲子孫立產業家居以恬靜自守謹
言慎行以教子孫而及其大化之時有憂國竭忠
之語丁寧申戒於子孫則公慕夏之意於斯切矣
先君東來時率家奴大器爲一生使叟而年亦至
於九十而無子孫且先君平定三亂之寶劔先君
生時傳給於隣邑清道上次此居載寧李公栖公
之精力至老不衰故及其捐背之翌年公年七十
一著木履逐大虎斲其尾而歸少時勇壯舉斯可

知性好吟咏遇事則吟遇興則咏故晚年病席有
朝來強起彈琴坐猶有千山虎獵心之句蓋公之
氣像可見也且公三亂平定後居家時每當月
夜則必乘日本所乘赤驃大馬而使奴大器驅牽
馳突於鹿村周廻以發其勇氣者而無月不爲苟
不如是抑其勇氣則必呻吟委卧此可見勇氣之
雄壯而莫之禁也且先君平定三亂之後以渡海
時所領三千兵春秋試鳥銃之才技拔其尤者一
人薦于訓局直赴會試及先君捐背之後遂廢此
法其衆因屬京別隊而春秋試藝時所立貫革基

址尚在於先君所居之家前稱道實基者耳噫公
在日本時有二妻而來投東土之後娶牧使仁同
張氏春點之女生五男一女男長不肖孤敬元別
薦啓下特加折衝次敬信次右祥次繼仁次敬
仁女張達文不肖孤生七男四女男長振鳴次振
英次振雄次振豪次振傑次振聲次振邦女朴源
朴興漢朴文邦洪禹平敬信生五男二女男長振
興次振發次振鳳次振文次振機女金善鐸金善
葉右祥生二男長宗憲次厚重繼仁生四男長漢
鳴次五南次夏碩次以鳴敬仁生四男長臣英次

振喆餘并幼張達文生二男長愛齡次繼齡公衣
冠之歲大丘上守南面友鹿洞三頂山壬坐之原
卽先君生時親自所占之處也先君占得此山之
後嘗語不肖曰當用此山之後三年內若逢官辱
則六代後發福必矣果如先君之訓過矣後三年
內逢辱於官庭以此驗之則先君所訓六代後發
福似可有待矣家址則公初卜于達邑上守西梧
川里一名梧耳村居十載一日嘗遊獵于友鹿村占其
勝家是洞遂爲移卜而子孫世守此居若有運微
之嘆則復移居于仙遊洞下者亦有垂訓故不肖

奉承亦以此訓遺戒於子孫者耳墓碣卽郡守俞
公秘之所撰也噫我家本是他國之人文獻無徵
不能世世採錄只記先君之所嘗言者而文拙辭
澁多有闕畧於所聞然而余亦餘日無幾孤露之
懷益切畧舉梗槩今而後先君之私訓於不肖者
始可想得也況且今年乙卯乃不肖孤周甲之歲
也追憶先君之訓言猶在耳不勝痛悼而若無此
錄則雲耳之輩何以知先君之事蹟乎茲以書示
子子孫崇禎紀元後四十八年乙卯仲秋上澣不
肖孤敬元泣血謹識

書慕夏三行錄後

夫人之有志有超卓然有可觀必不係於世類不局
於處地不可以古今論也昔季札由余外夷之人也
季札讓而尚節葬而合禮觀樂而知列國之風由余
為霸王佐樹功烈於竹帛二人起跡遠於中華君子
許之其非有志有超不係於世不局於地者歟慕夏
金公忠善昔當龍蛇之難從蠻部翻身為我用倒戈
鐵賊樹不世之勞釋芥介之陋襲冠裳之俗慕夏扁
堂之義蓋在乎是其後甲子徐牙之馘丙子雙嶺之
捷激以忠膽輒奏奇功及聞 朝議與虜講和擲劍

痛哭曰春秋之義其可忘耶遂還嶺外訓誨子孫鄉里以扶世教為事嗚乎是其有志有趨卓然可觀不啻如季札由余比也是奚以係於世局於地古今論之哉然嘗時酬報之典曾不過軍節散秩而已而祿亦不及於子姓斯可謂世有公議否乎其孫有三柑屢上振英世隱白鹿之洞躬讀書風厲後學人皆謂有祖之風噫繩三柑後者又能世襲祖風如三柑之為則是其為光榮芬馥不可以世之軒裳圭組易之也夫何待外至之公議有無云乎雖然理有顯晦微著如陰陽寒暑往來屈伸不可以或廢使其晦者長晦微者永微無可顯可著之日則其可謂有天理否乎理之斷不如是吾必以慕夏三柑二公而卜之也請且待之哉崇禎紀元後四甲戌資憲大夫司憲府大司憲金義淳書

行狀

孔子之作春秋也夷而進於中國則中國之夫所
尚乎中國者以五帝三王之居也以三綱五常文
質三統之區也有君臣父子夫婦長幼朋友之倫
焉有仁義禮智孝悌忠信之教焉孔子之衮鉞莫
嚴於華夷之大防而曰華曰夷有時乎輕重若慕
夏公之向化歸義在所進乎在所退乎噫大倫大
綱之在天下天經地義固磨滅他不得而秀吉之
篡竊矜惡清正之無名興師公之所羞與并立於
天下者今焉不待周公之膺狄幸值陳文遠邦之

會則天所以默詔公慕夏之宿願者其非陰相志士義人曲爲之地者耶萬曆壬辰公年二十二本姓沙諱也可 宣廟朝賜姓名金忠善字善之貫金海父諱益祖諱沃國曾祖諱濠此公初來時所懷辛卯口籍可攷也公身長九尺力能舉四五百斤美鬚髯氣如長虹行步如飛故國時事七十年絕口不曾一出於家庭子孫輩雅言聞人孝友之行輒南向泣下壬甲丙三亂忠義奮發令人激勸不已其初初見吾邦小中夏之盛雖在干戈倥傯之中而人心也風俗也衣冠文物也舉目八耳果

協中夏宿願曉諭一書講和一檄說盡至誠歸義之意蓋其歸義也智非不足也力非不贍也才非不逮也勇非不壯也非兵革之不精也非器械之不利也惟以中夏之爲千古聖人之國也初結交於金將軍應瑞繼而論兵事於體府督府諸大人樂與之上下論議至如火砲鳥銃鍊鑄運用之妙得之海底儘是威總兵所謂天生古今所未有之精械妙用而自公始有之用之行陣無不告捷良平失其智賁育失其勇而公不自有其始歸化也大破萊蔚兩路賊事聞 特加嘉善自後每有征

戰必自任以前鋒八戰萊梁海濱獻馘無美進至
慶州斬首三百餘級 賜姓名金忠善陞資憲
上還都賊爲天兵所敗玄蘇竹溪等尊壘拒守公
挑戰十餘日清正玄蘇等退至甌城亦不戰而退
公大破義智於城下右道賊渡洛江擄掠靈昌玄
密清慶等地都元帥權公慄使金兵使應瑞留陣
達城以鎮之公自請移屯密清間賊遂遁去公請
立功自效以贖金應瑞之死告功於天將教練金
繼守以炮丸之制令各營各鎮兵器始精永爲萬
世兵陣之賴癸卯有業警繼起公陳疏請十年仍

防不計年數限止騷解弛之日癸丑自上引八後
苑大設犒饋因加正憲教旨特書自願仍防其心
可嘉八字以褒之 仁廟甲子逆迨叛使人脅公
公卽斬迨使以討迨迨誅副將徐牙之素稱飛倭
驍勇絕倫無敵捕者監兵兩營大發兵追至洛江
上牙之卽犯兩陣如入無人之境公度牙之難以
力取且其所佩二劍足當百萬精銳其必轉向海
曲尋歸路密令路傍傳舍盛陳酒肉以俟之忽遇
牙之於密陽嶺南藪公見牙之驚疑之色以溫
言誘之曰吾與汝俱日本人吾留在此汝歸日本

嘉慶堂集附錄
今日乃去留之日終日痛飲可乎牙之曰諾公佯
醉勸酒暗箴去掖衣襟中終日不醉牙之連倒大
觥泥醉公使家僮大器潛拔去二劍大器公渡海
初從者亦勇力絕人牙之驚覺先撫佩劍已失之
矣公卽令縛致大會軍兵數其逆命之罪斬之并
斬其麾下勇士故也之等十餘人 仁廟大奇之
以牙之籍沒田民 賜牌公上疏力辭請納守禦
營爲屯田丙子公年六十六胡兵長驅無人可禦公
不待 旨命星夜馳進 大駕已在重圍公不日
急赴廣州雙嶺慶尙左右兵使陣守見公大喜互

相爭募公自以所領一百五十騎別成一陣於相
距五里地當夜子半聲震天地自遠而近達朝不
止鐵甲胡兵雲屯霧集劍影曜日旌旗蔽天公令
軍中曰虜未至百步而放炮者斬列成隊伍以待
俄而賊綽鎗鳴鼓殺氣成虹公當先直犯胡兵中
丸落馬者甚多後軍夾到勢如風雨公親自擂鼓
指揮軍兵自卯至辰放丸如雷橫屍山積流血成
渠公追至慶安橋十五里蔽地賊首難盡計斬只
斬賊鼻盛於戰帑又不計其數賊不能反吾卽以
後隊爲前隊突入其陣中忽值火藥庫失火左右

兩陣大亂陷敗公見胡兵得勝怒氣填胸奈年已
衰無以自力顧其副曰盍思死戰金繼守金繼忠
等衝突數合胡兵披靡金誠仁力盡勢孤竟死賊
鋒公見忠勇死於王事即欲同死而顧義在虜
駕馳赴南漢聞已講和擲劍痛哭怒髮衝冠曰
此虜大明之讎賊也若思此義則寧忍與北虜
講和乎痛哭而歸每自慟當初慕義是慕夏也今
中夏無主矣白鹿寒泉念昔賢之嘉名鳳巖鶴麓
寓遠民之間樂而風泉百世獨保蹈海之高蹤懷
葛千古尚友典午之清隱則慕其人論其世其善

變之陳相歟觀周之延陵歟抑跡魏心漢終身不
復北之夏侯霸歟公晚年病起有詩曰朝來強起
彈琴坐猶有千山虎獵心可見雄豪氣像老猶不
衰也公有家訓里約一二條例依然藍田古意務
農桑講信義彬彬乎一副風謠詩書射御猶可徵
古先餘化近聞有玉水村士氏出於海邦其學不
恃於吾儒法訣其與慕夏公慕夏之心不約而妙
契其在樹風獎義之政孰不思所以欽慕激勵於
公事行者耶伏况我先朝御定尊周錄我東之
春秋也世之秉惇史者其必有繼述先朝成憲

大書公義蹟并列於車元轍崔孝一諸義士者歟
嗚呼噫矣公生于隆慶辛未正月初三日卒崇禎
壬午九月三十日享年七十二配仁同張氏牧使
春黠之女生五男一女男敬元別薦折衝次敬信
次右祥繼仁敬仁女張達文敬元七男四女男振
鳴振英振雄振豪振桀振聲振邦女朴源朴興漢
朴文邦洪禹平敬信五男二女男振興振發振鳳
振文振機女金善擇全善葉右祥二男宗憲厚重
繼仁四男漢鳴五南良碩以鳴敬仁四男臣英振
喆餘幼張達文二男愛齡繼齡葬大丘上守南面

三頂山壬坐之原公所自占也以爲六世後當大
發家在達城上守南面友鹿里郡守俞公秘撰墓
碣今來請狀公者公六世孫漢正也崇禎四壬寅
正月上浣通訓大夫前行弘文館應教知製教
無經筵侍講官春秋館編修官李家淳撰

墓誌

公日本人也姓沙氏名也可萬曆二十年壬辰清
正之八寇爲先鋒將四月十三日越海見東土禮
義之俗慕中夏文物之盛渡海之日歸附于慶尚
兵使朴晉累立奇勲兵使啓聞朝家起二資嘉

善後又因都元帥權慄御史韓俊謙廢啓有賜
姓名陞資憲之命時北虜匪茹狼烟數起公陳
疏自願仍防陞正憲階特蒙 御筆八字甲子迨
變斬迨副將牙之 朝家賜牌酬功公抗疏納屯
守禦丙子之亂又立大功歷事三 朝實爲青史
之所罕有也公父諱益祖諱沃國曾祖諱塗公生
于隆慶二十五年辛未正月初三日卒于崇禎十
五年壬午九月三十日享年七十二配仁同張氏
敕使春黜之女生五男一女男長敬元次敬信次
右祥次繼仁次敬仁女張達文敬元生七男四女
男長不肖振鳴次振英振雄振豪振傑振聲振邦
女朴源朴興漢朴文邦洪禹平敬信生五男二女
男長振興次振發振鳳振文振機女金善鐸金善
葉右祥生二男長宗憲次厚重繼仁生四男長漢
鳴次五南夏碩以鳴敬仁生四男長臣英次振喆
餘并幼張達文生二男愛齡繼齡公衣冠之戲達
城之南五十里上守南面友鹿洞三頂山亥龍壬
坐之原崇禎紀元後四十一年戊申五月 日不
肖孫振鳴撰

墓碣

嘉慶堂集附錄 二二四
公諱忠善字善之姓金氏貫金海也以日本之人
本姓沙氏名也可歲在萬曆二十年壬辰清正之
興師入寇也以公爲先鋒將領兵三千渡海始見
東土文物卽日以用夏變夷之意講和於本道節
度使朴晉協力討賊累立奇勳兵使 啓聞于朝
上使之乘駟上來試藝奇之超一資卽除嘉
善 命送嶺南累建大捷又以鳥銃火炮搥藥之
制始教我國自此以後一國軍卒皆得精銳爲國家
兵器之取利者其後又因都元帥權慄之表 上
太功陞資憲之階 賜姓錫名 寵而異之 仁

廟癸卯北警數起爲 丙枕之憂公以防禦之失
策陳䟽而自願十年仍防遂蒙正憲 教旨有自
願仍防其心可嘉之書 御筆特褒 仁廟甲子
以捕斬逆逆之副將牙之之功 朝家賜牌酬勞
公固辭不受陳䟽還納于守禦廳爲屯田至今收
稅而且於丙子胡兵之大驅公聞變於鄉庄不待
召命赴戰于廣州雙嶺陣斬虜虜鼻五百餘級
丙 大駕移御南漢故擬扈 聖躬赴于南漢則
和議已成矣只自痛哭莫曝丹心可勝惜哉公生
于隆慶辛未卒於崇禎壬午享年七十二丙大丘府

南友鹿洞三頂山友龍主坐之原卽其墓也配仁同張氏牧使春點之女生五男一女男長敬元次敬信次右祥次繼仁次敬仁女張達文敬元生七男四女男長振鳴次振英次振雄次振豪次振傑餘并幼敬信生五男二女男長振興振發右祥生二男長宗憲次厚重餘幼崇禎後二十七年己酉八月下漸通訓大夫行清道郡守俞杻撰

傳

公諱忠善日本人也本姓沙名也可歸于我我昭敬王賜姓名金忠善忠善歿百有餘年嶺人慕

勲德不衰立祠俎豆之公自幼喜讀古聖賢書心竊慕中夏然生海外蠻夷中恨不見禮樂文物之誠意獨悒鬱不樂嘗拜官至少尹正亦非其志也
大明顯皇帝萬曆壬辰日本關白平秀吉以清正爲帥大舉入寇朝鮮師號屢十萬舳舻蔽海千里不絕清正葉愛公勇智過絕人乃任公爲右先鋒將選精兵三千屬公公時年二十二慷慨謂朝鮮以禮義稱小中夏今師出無名徒欲禍隣國有死耳從之非六既而又心語曰一出朝鮮觀禮樂文物卽吾願也強曰諾迺領兵先到金山下片始

見民物衣冠輒大喜曰我得所矣何忍加兵於仁
義之俗卽爲文諭我民庶曰余素慕朝鮮者無意
爾國亦無意侵暴若等耳爾各安堵樂業同或走
匿避我我師有敢殘害汝一人者斬謝汝不饒民
信其令耕者市者皆不變是時公向化之志益決
先移書約自附於慶尚兵使朴晉帥所領三千兵
馳詣轅門見朴晉朴晉大奇之延置幕中與籌策
無非殲敵秘謀公素習火炮鳥銃之製至是多做
而鍊教分遣麾下善鑄者金繼守等使遍教於京
外列陣我國鑄銃搥藥之法始盛 上聞之命曰

至禁庭試武藝稱之曰能超階嘉善大夫時清正
陷東萊教金機張直走蔚山公與朴晉進圍之公部下
下慄卒皆砲劔奇才所向莫不靡潰逐追躡大殪
之居無何賊又大至厥數倍之益耀武恐嚇我軍
氣死公賈勇先登膊戰益力賊知不能支掩脰走
遂乘勝逐殺積屍如山捷聞 上大嘉之賜姓名
廢之公上䟽謝 恩畧曰臣本島夷賤俘羈旅寒
蹤歸附之後竭盡心力破賊效忠道理當然甌城
之役一戰而勝再戰而捷非臣志畧逾人也誠賴
聖上大德神威而乃 聖上歸功於賤臣濫賞

於賤臣表揚之顯寵之昔秦穆公尊寵由余漢之
武帝愛厚日磳而豈有賜姓錫名若臣榮者乎後
屬提督麻貴軍中效力亦多會兵使金應瑞坐軍
失伍提督怒將斬之公署狀請命曰小將與應瑞
主客耳應瑞罪抵軍律小將將何敢坐視其死今
日之戰當斬獲倭將頭贖應瑞有如其不效即斬小
將代應瑞之辜署已躍出戰斷倭名將頭以歸應
瑞得無死公居兵間七年戰輒有奇功未嘗自伐
難已卜居于大丘之南三聖山下友鹿之村媿婦
生子娛山水遊獵後聞北虜數侵軼爲疆域患熈

然上疏曰竊謂自古莫不有敵國之憂而防禦得
其道者敵莫敢肆昔齊威王時檀子守南城則楚
人不敢爲寇泗上十二諸侯皆來朝漢武使李廣
爲右北平太守則匈奴謂之飛將不敢近塞蓋防
禦得其道也今料北虜之勢緩則肆急則逃誠有
一男子一長劍足以備患然 國朝防守之法不
往下來無久成長計使彼窺隙輒動誠可寒心臣
請自以身防不限年數期弛北虜乃枕弓戈嚴警
備虜懼焚巢宵潛逃走十年然後始還進正憲階
逆迨叛既伏誅副將徐牙之倭人也爲適用驍勇

稱飛倭跳踉突驟所至人無敢前公揮劍一出擒
斬之馘獻以牙之庄獲及田賜與酬功公疏辭甚
力請付守禦營補軍用 烈皇帝崇禎丙子虜警
急時公雖老忠勇不衰無日夜馳赴京 乘輿已
播遷于南漢城遂直抵雙嶺陣戮力轉鬪虜軍大
亂死傷不可勝計用戰帟盛賊臭數千級將獻于
行在至南城和議已成公以帟臭擲地憤恚大
哭曰豈以禮義之邦而忍屈膝於醜首乎春秋尊
攘之義焉在吾一劍足當百萬之師今將安用卽
投劍悲不已歸鹿里踰其堂曰慕夏記以見志又

嘗著家訓鄉約等并前後五疏皆懇懇淳篤可悉
其平生所存一時忠義蓋臣如鄭澈李德馨李廷
馥金命元李時發金誠一郭拜祐李舜臣金德齡
諸公莫不致書為禮初從軍渡海懷辛卯歲口籍
而來顧其志已決不復返也其世閔子孫別有譜
序原任吏曹判書徐公宗伋所撰詳焉贊曰

議者以公比擬漢日磾頗近之矣然日磾何嘗有
為漢勘敵奇謀異績畧類公者哉史稱日磾殺美
兒與之孰若公以忠孝拳拳著訓豫為之教也始
公之來也兵非不利也力非不強也智非不贍也

乃不血刃而歸于義者蓋其慕禮樂冠冕見文物自
夜提已有所蓄積如良知非一朝適爾也卽誠天
下間氣豪傑之士日殫能然乎崇禎紀元後一百
六十九年丙辰仲夏完山李義爾撰

三道儒疏

伏以異國之人而向化輸忠則顯榮之道可別於
本朝之人矣草莽之臣而捐身報國則褒賞之典
宜優於世祿之臣矣苟或既顯矣而猶未盡顯之
之道既廢矣而猶未盡廢之之典則身後廢顯雖
不關於自家分上而在 朝家勸礪之典亦豈無

矜式之道乎臣等敢以故向化功臣正憲大夫臣
金忠善故軍資監叅奉臣李誠國壬辰立功之事
故 贈承旨臣周宰成戊申戡亂之事條陳於
絳纊之下伏願 聖明少垂察納焉故向化功臣
正憲大夫臣金忠善本以沙姓生於日本壬辰之
歲以兵三千歸附於慶尚兵使臣金應瑞倒戈斬
賊立功自效故 宣廟朝大嘉褒賞 賜姓金氏
錫名忠善仍屬 天將麻貴軍中斬獲倭虜累
立奇功蓋我 國本無島統之制而忠善初設都監
盡其妙法而傳之則我 國之有島統實自忠善

始也逮夫甲子之變廷將牙之授首忠善之手丙子之亂慶安獻馘亦出於忠善之戰則此非但昭載大丘邑誌及輿地勝覽也 宣廟朝下 教旨以御筆特書曰自願仍防其心可嘉 仁廟朝下 批曰金忠善向化歸義之誠爲國盡忠之心極爲可尚其子孫世世錄用加給復戶爲教二度尚在其家則此是忠善之實蹟昭不可掩者也故軍資監叅奉臣李誠國卽靖國功臣碩蕃之玄孫也本以京中之人寓居於忠州壬辰之亂聞大駕播越北向痛哭誓以身殉而倭虜充斥道路不通

故布衣草履晝伏夜行隨 駕於松都以至龍濟至誠 扈衛備經艱險回 駕後以原從功臣除軍資監叅奉而誠國辭謝退居忠州研道守令老而彌篤蓋其天賦之性出於至孝七歲而父病吮疽九歲而母病斷指侍湯之日母思雉肉則雉自飛入於鷄埒故取以供之居廬之日墓木枯於毒虫則吞虫誠告而枯木復生故 朝廷以誠國出天之孝能感飛雉惡虫 特除繕工監叅奉而終不就職此是誠國孝親忠君實蹟 朝野之所共知也故 贈承旨臣周宰成卽已卯名臣世鵬之

孫戊申之變安陰陝川等地賊騎突入人心洩散
而宰成以白衣倡義傳檄列邑召募義士杖劍登
壇其盟士卒詩曰慷慨登舟唾手盟江風吼激江
波鳴傍人莫稅吾行色義重君臣一死輕其罵賊
之檄有曰不意 聖世有此亂賊非我嚴討天必
顯戮倡率義旅誓食其肉云云賊徒聞檄後大者
逗遛不進少者屯聚不發慶尚監司黃璿特使宰
成畧率軍兵間探賊情中道遇賊奪賊鐵稚殺賊
數人追奔討賊之際為賊所傷嘔血數斗仍以致
死而使安陝之賊不敢倡檄終至誅戮者皆宰成

之功也其後故領議政臣金在魯 迺稟至有
除職之 命而宰成已為身死故未果舉行其後
又因大臣 迺稟特 贈承旨 傳曰本道以鄒
魯之鄉節義若是夥然其中表異者為先旌門事
下 教又於壬辰正月二十五日備忘記 傳曰
恭原周宰成既贈職果有其子豈可老死鄉村今
該曹特為錄用事下 教則此是宰成之實蹟若
是表著也臣等謂用夏變夷者古或有之而忠善
之向化歸義此豈非出人上萬萬者乎板蕩誠臣
何代無之而誠國之布衣 扈從宰成之身死

國亂亦可謂頽波砥柱者也我 聖上賞功獎節
之典靡不用極壬辰立節之類戊申戡亂之輩咸
蒙 褒贈旌義之德於脩夜之中而惟此忠善誠
國宰成三人者既是莫大之功而誠國宰成則或
贈或除未蒙褒賞之典至於忠善則 兩朝
許忠三亂樹勲實爲吾東方三百餘年之第一而
雨露之澤獨不及於泉壤 贈秩追謚之 典旌
間血享之 恩尚欠至此口碑不磨徒切志士之
慨羊羹不及實多向隅之歎伏願 聖主特下
允旨或 賜其謚或 旌其間或 贈其職以爲
矜式當世激勵來裔之地

鹿洞祠開基祝文

徐文修

伏以慕夏堂金公志節功勳久宜俎豆之享而
至今猶闕士林深惜幸賴實錄始發公議大張爰立
揭虔之所以是日開基神其保佑順遂無艱以答
輿望

上樑文

郭斗衡

輸忠悃於小中夏之國揭千古有志棟樑新廟頌
於大東魯之鄉傳萬世不祧香火雲仍晉慶士林
尊瞻竊惟忠義於人臣實爲經緯守天地斷斷方

貫白日盡已於扶社稷任安危之時邈邈乎薄層
雲行宜於處君臣辨鯨魚之際是所謂大本之立
豈不曰恒幹之初青丘禮讓方高萬邦標準黑龍
扶氛何動八年兵戈天將來接有若李提督之虎
畧神兵亦降孰如關雲長之龍韜朝鮮亦中夏欽
慕禮義邦之有士日本乃夷服何生慷慨人之若
公幾年思用夏已自髻齡之時至願在變夷今至
弱冠之日清正爲元帥佯若喜於先鋒之驅節度
有主人遂講和而後援之次身銃火藥初神器於
兵家榜書諭民鎮中心於葑屋甌城三捷獻誠贖

將之功洛津兩營讓頭斬牙之賞狼鼻滿戰士之
帑慶安橋十里陣雲麟經吸復讎之書南漢城一
時和議十年防禦披腹而呈琅玕三亂功勞爭先
者惟日月肆天命乘駟媿賜姓錫名之恩降仙醞
酬勳爛頂玉鬚金之典晦跡鹿洞卓卓乎明哲高
蹈還牌牙屯懇懇乎強兵富國使人而得免禽犢
冠裳惠澤至今永賴微公則吾其披髮左袵功烈
從古罕聞不幸實錄之無傳未得膚功之有聞公
論開口於當日名豈耳於後辰有是孫於是祖
杜征南沉碑曾何處可求托知己於知心李浙東

遺蹟在安丘始發然後忠魂義魄雖死而如生庶
幾氣節功勳將泯而還聞猗歟事迹之可見燦然
文獻之足徵功存國家永世不遷之位業垂後裔
多年克禋之儀有議一家之廟梁未遂幾日之曷
論礎礧欲列而未列瞻聆之愧日深攘搆累營而
不營嗟惜之聲歲起幸賴子孫之至姻益尊士林
之追欽何有何亡鳩財於傾產無小無大協力而
同心荆棘初開山川改觀經始何亟棟宇忽新宮
墻深嚴羨哉輪奐之就緒階級峻整允矣制度之
得宜陟降在茲彷彿精爽之如見盼鑿於彼親切

警咳之若承豈意荒草山田遽作禮庭神室曠世
克祀可觀忠於古來地秘天慳實有待於今者夫
既有欽格之所焉可無感發之懷峯巒壁立於東
南凜烈千仞氣像松竹玉森於前後颯爽百代風
儀庶得瞻仰之餘無曰典刑之遠凡有秉彜之性
孰無觀感之心追思慕夏之氣節天下萬國之高
山更念向化之忠誠龕上七分之景行尚矣吾士
勉哉甬孫相勗一言齊倡六偉拋樑東朝暉初上
海天紅遙看故國知何許谷鳥飛揚喬木風拋樑
西牛尾抻天鶴影低物像須從物外看高山偃蹇

高人齊拋樑南鹿水東流燕語喃一念尊周用夏
地紫陽山屹帶青嵐拋樑止五雲高處拱宸極天
涯咫尺一揮餘三角無塵漢水綠拋樑上先天已
朗後天亢光華日月海東邦三代人物萬古炷拋
樑下三千大地無夷夏公靈如水流洋洋何處昭
明不可舍伏願上樑之後賢孫輩出吉士皇多繼
繼承承家業世起彬彬藹藹儒教日新涵養本源
根既深而枝亦茂培植元氣山自高而水益清幼
學壯行之習成入孝出悌之風作輸君蒿悽愴之
情禮煨俎豆簠簋之賦儀誦孔孟學顏曾大學中
格致誠正之工自篤家稷契戶伊呂 聖朝上文
經武緯之治宜還

奉安文

參奉禹載岳

毓靈鵬溟夙抱偉器出幽遷喬臨亂歸義心存慕
夏志功宗周托身先鋒願氓青丘直搗甌城厥首
五百又戰雙嶺累建奇績自願仍防 王曰可嘉
爰賜士姓精金出沙歸卜宅里友鹿之北美哉家
訓猗歟鄉約精忠義跡百世不泯有儼其社聿薦
苾芬

奉安文

奉安時
未及來

河陽縣監尹載五

地靈之鍾慷慨男子鬱居蠻海左衽爲耻慕夏文
物平生大志強隨先驅入境倡義札觀魯樂磬需
漢廷三捷甌城一覲統亭感恩竭忠擒牙衝胡十
載防塞尊周是圖華秩非意義庄固辭一區間趣
友鹿新基以訓遺裔六世而昌廟額斯初多士周
章式敬奉安吉日爰卜載薦馨香仰惟歌格

常亭祝

志誓進夏義慕尊周擇地處仁受塵其儔效忠三
亂列朝功酬垂訓遺裔一祠千秋

龍蛟事實撫錄

萬曆二十年壬辰四月十三日公下陸金山時慶尚
兵使李珏以郡守李彥誠定左衛將率兵馳往東
萊見舳艫蔽海千里不絕李彥誠逃還人民驚散
于時公見東土衣冠文物之盛心決用夏變夷謀
和于本國仍率所領兵三千歸附于本道兵使朴
晉時蔚山郡人徐夢虎徐仁忠慷慨雪涕募集死
士與公相爲表裏大破諸賊賊潰散退屯東萊九
月公與巡察使金晬兵使朴晉以前萬戶金太虛
爲蔚山假郡守出入山谷招諭散亡得軍千餘以
郡人前縣監朴弘春定西面將拒東萊賊以前奉

事全應忠定南面將拒梁山機張賊公私船沉海
者曳取繕修以徐仁忠爲舟師將以截水路賊令
郡守率三百兵隨三路從惠馳援又使公惠造銃
藥以補軍器而協力討賊一朔之內七八戰連續
獻馘諸賊畏其鑄銃造藥莫敢來犯自是領兵精
銳甲於八路十月賊船六隻來自機張陸賊自阿
甬浦向蔚山郡公與郡守金太虛全應忠朴弘春
徐仁忠終日力戰斬陸軍三十餘級二船之賊盡
殺無遺巡察使韓孝純與兵使並爲馳啓公之向
化於 行在所 上曰以金太虛爲蔚山實郡守

沙也可則向化立功尤爲奇之卽命乘駟上來引
見誠藝後命除嘉善特賜我朝冠服及青布三
千疋以爲軍兵服色癸巳四月十八日諸賊水陸
合勢四道並進時公與郡兵移鎮慶州徐仁忠接
戰於利見臺中洋斬殺射殺不記其數又於鳳吉
里前長鬚小烽臺下與賊連戰奪賊軍器獻馘
三百餘級都元帥權慄御史韓俊謙兵使朴晉並
爲馳啓除金太虛爲金山僉使全應忠徐仁忠朴弘
春並錄原從一等而公則 特賜姓名加資資憲
時清正退軍屯金山東萊且屯蔚山太和江西生

嘉慶庚子年六月附錄
浦三送封書以求和郡守報兵使及都元帥元帥
欲許之公素知清正之深計乃爲止之送蔚山郡
儒將希春探賊情於西生金山丁酉正月十五日
賊復來西生浦又佯請講和仍聚諸賊七月來屯
蔚山古鶴城毀府城移等甌城爲久留之計十二
月唐將楊經理鎬與麻提督貴領六萬餘騎與我
國兵二萬討之使左兵使金應瑞與金太虛及
公率郡兵爲前導外陣之賊一舉殲盡內城垂拔
而賊將詐請降兵使金應瑞退師竟至摧敗提督
大怒欲斬兵使公署狀請命以贖兵使之罪成戍

八月 天朝再征嶺賊麻貴復征蔚山甌城賊以
郡兵爲先鋒以公爲後應討之賊加設三城嚴備
百倍公陳兵耀武百有餘日賊自焚其壘乘夜撤
還自壬辰至戊戌賊留屯不歸列邑人民多附賊
獨金山東萊蔚山機張梁山密陽彦陽慶州大丘
八莒之陣同盟誓師一心討賊無一人投附者以
爲公之激勵義氣嘗爲先道之效云爾

謹書龍蛇事實後

夫人之秉彛良心不以中夏人而有餘不以蠻夷
人而不足也以其所習之異而流風之殊故中夏

嘉慶堂集附錄
三十一
之人終於禮義蠻夷之人止於左衽苟能改其俗
變其風則昔之蠻夷者可化爲禮義也向之左衽
者可以爲中夏也惟我先祖正憲公生於蠻夷之
鄉長於左衽之俗有意於變其所習之俗而慷慨
不已有志於改其左衽之風而慕仰中夏假一時
先鋒之將傳千載變夷之稱猗歟休哉豈不盛耶
公幼有壯志勇氣膽力超羣出類忠義堂堂得
諸天性平生所願只在於慕中夏之衣冠文物故渡
海卽日講和於東土非但悅周公孔子之道也要
使子孫遺托禮義之邦則其慕夏之深切志慮之

遠大固是出尋常萬萬也誠非後孫之所可評到
而謹讀公之所著遺文及家訓則雖生乎數百載
之下而如侍膝下也惜乎公之遺文筆跡不特積
箱盈笥而只緣子孫之殘微且由中葉之失火所
藏遺跡存一二於千百爲子孫痛悼之情彌日彌
篤何幸戊申不肖有事洛中適逢龍岡居金兵使
應瑞後孫思訥始陳世誼之多少語及遺錄之在
案異哉此可謂杜征西之沉碑也不肖與之偕往
試一開卷則吾先祖一生志節事業瞭然復著乃
敢以先祖遺稿爲實錄後曰裒輯爲附錄以成上

中下三篇而見聞謏寡烏得免闕畧之責耶伏不
勝罪悚爾崇禎紀元後一百七十一年戊午三月
上澣六代孫漢祚謹識

恭書 先祖慕夏堂遺集後

先祖慕夏公遺集 正廟己酉伯從兄漢祚氏求
得於龍岡金將軍裔孫家即用活字印布噫三百
年幾晦之蹟至是始彰可謂吾門之大幸然而不
但一時之印本不能廣布或病其蒐輯無倫不肖
敢復謀諸門族乃於 當守辛丑使弟漢正徧請
徵信之筆於道內諸大家仍托改定序次於是乎

元集序跋及狀碣文字次第并列而丁乙刪節皆
得無憾遂圖繡板流布遠近嗚呼吾先祖豐功偉
蹟庶可無人不知而為吾祖子孫者惟當誦習服
膺如飲食裘葛以為遵奉當日家訓之階梯然則
是集之刊行抑亦為吾門體先意慕中夏之一助
耶盍相與勗之歲壬寅四月下澣六世孫漢輔泣
血謹識

慕夏堂文集附錄終

附金誠仁行錄以同時向化之人故附錄于此

公本姓沙名汝某日本人也八 本朝賜姓金名

誠仁 皇明神宗皇帝萬曆二十年壬辰公以日

本右副將與首將 本朝賜姓名金忠善部將金

繼忠下陸金海公幼有慷慨異志與金忠善金繼

忠并有慕夏之志是役也公心非清正之無名興

師而素聞東土之禮義故隨首將領兵渡海乃壬

辰四月十三日也是日首將金忠善與公講和於

本道兵使朴晉投書於防禦使金時敏并力討賊

多達勝功于時防禦使以向化立功之意 啓達

于行在所 上聞而嘉之即命乘駟上來首將與
公聞 命即到 宣廟朝引見試藝大加寵異并
賜冠冕其後癸卯北警繼起 宸憂正劫首將與
公自願仍防至戊申六年在仍防所二月朔日
宣祖大王昇遐首將則即赴京城而使公與金戎守
領其衆使之防禦至於 光海二十二年在仍防
所以多捷獻馘之由元帥 啓達于朝 光海朝
引見命除沙汝某為嘉善大夫萬曆四十八年十
月日也其後又陳疏仍防自屺遄憂寢熄體察使
啓聞于朝 上聞而嘉之即命乘來上來特賜

姓名金誠仁字仁之貫金海 特為廢賞加資嘉
義大夫 教旨中特書向化賞職四字復戶為教
天啓元年五月日也是年辛酉六月下去仍防所
多捷獻馘邊憂漸熄之由 啓聞而振旅還朝因
加資憲大夫 教旨中特書自願仍防其心可嘉
各陞一秩事受 教十五字天啓二年五月日也
公之子貴成亦有勇力能繼父業於天啓之亂隨
父從軍多有奇功 特除禦侮將軍虎賁衛上護
軍天啓元年十月日也自願仍防邊境賴安元帥
又上其功 上特召命賜爵折衝將軍虎賁上護

軍 教旨中自願仍防其心可嘉各陞一秩事受
教天啓二年六月日也又值丙子胡亂之時得
聞胡兵長驅無人可禦者首將與公及訓練僉正
金戒守公之子貴成星夜馳突比至京師則 召
命始下而 大駕移御于南漢重被圍繞首將見
胡兵之得勝年滿六十不能自前願謂副將公與
金戒守金貴成等多斬首級而公則死節於胡鋒
之下云云

大凡人之生長於文明之鄉興起於禮義之教者是
固觀感易而習俗美也若夫九夷之陋百越蕃蕃之
地則苟非豪傑之士鮮能自拔其愚蒙之桎梏而篤
信文物衣冠之爲美事也吾鄉友鹿洞有慕夏堂堂
之主金公卽日本人也沙其姓而也可其名也入
本朝賜姓錫名曰金忠善亦中國之之意也蓋嘗聞
日本之俗四民去士知有兵而不尚文僻海萬里之
外車書之所不通聲教之所不及天荒之地直一蚩
蚩蠢蠢虺螫之類而已也粵在

宣廟壬辰之歲倭酋秀吉有射天之志來犯我東于

時公爲清正先鋒以若善戰之手侵暴殺掠非其不能而登陸之日以精銳三千委身於我東介鱗衣裳卽地辦焉棄故國如脫屣仰 本朝如父母觀其講和文及列營門往復之書斤斤懇懇言必稱朝鮮小中夏三代遺風盡在此無名之師不敢加於禮義之邦何其義也何其仁也海嶽毓精有此不世出之人器歟壬甲丙三賊之亂效忠竭力所在克捷躍入甌城斬賊首於萬衆之中以贖金應瑞之軍律自願仍防十年枕戈作長城於玉塞之中适之副將徐牙之素稱飛倭也洛津謀泄之後睨規巡節兩營之軍揚

鞭走馬如遇無人之地而公又誘致於凝川之嶽南樓下斬其首於盃酒之間以紓 九重宵旰之憂水絕三韓無窮之患前後戰捷不可殫記而每每不以功自衒則戰爭非公之本心功名非公之所願也莫宗枋於盤黍復中夏之文物永作聖人之泯其素所畜積也不幸南憂纒定業警繼起風雨青城冠裳倒置春秋大義無地可措雪涕風悲散臭帟而遁跡卜筮於達城之南三聖山下紫陽白鹿之間蓋取洞名之偶合於朱夫子講明道學之所也公以殊俗羈旅之人莫居於鄒魯禮義之鄉律身治家之節一遵華

制男女子孫隣里鄉黨皆有所矜式平昔所著十五
 條訓謨俱是楊氏家訓藍田鄉約則今此友鹿洞壑
 卽一區中夏也公之慕夏之意於是焉遂矣嗚呼此
 學之陳良孟子不以楚產而擯棄外國人今日殫不
 害爲漢廷之名臣則自古取人之道不繫於世類尚
 矣且况當時同功一體之人舉皆有增秩追謚之
 典而獨於公闕焉實是朝家之欠典士林之遺恨
 也追惟往蹟徒增曠世之感而已壬寅四月二十七
 日通政大夫前行承政院左副承旨兼 經筵叅贊
 官春秋館修撰官順天朴光錫謹跋

之弊爲甚於東國以不習也雖數日本矣又何
 謂曰朕命而意不悉於東土也限於此而爲之
 意公以言言語之曰余對是日日本之人也余限
 之於臣密則於南漢時對之於之所有與去之
 殊指去對公於外起意及對合意海置西肉以給
 與育還龍日本之意轉由對對公陳翰其意不
 大帶可當百傳之相以天下自各東事罷去之對
 卒海變皆畧漢文辭跡也且凡有二寶論常尉林
 之心也 命將與之對去之也其意不可不軍
 所前爲國大患自 上命公辭跡公以按忠辨國

